

# BESLUITEREGISTER

**AANSPREEKLIKHEID: VRYWARING VAN** (vgl Agenda A.12 bl 283 pt 2.20.1; Notule Dag 5 bl ...)

Die Algemene Sinode neem kennis dat die ATR die opdrag uitgevoer het en die saak afgehandel het met die hersiening van die *Kerkorde*.

**AANBIDDINGSTYL: KONTEMPORÊRE**

Ons wil die begeleiding span gelukwens met die uiters hoë kwaliteit van die klassieke aanbiddings. Ons wil egter pleit dat daar by die volgende Sinode ook plek gemaak sal word vir 'n kontemporêre aanbiddingsstyl. Mag ons aanbiddingsoomblikke ook die diversiteit vertoon van ons hele Sinode deur gebruik te maak van verskillende begeleidingsspanne.

**ABORSIE** (vgl Agenda B.5 bl 297; T.10.1 pt 2.1; Notule Dag 5 bl ...)

In die lig van die toenemende aantal tienerswangerskappe en groot getal aborsies wat jaarliks in SA plaasvind, gee die Algemene Sinode opdrag aan ATLAS om 'n ondersoek te doen oor die hele aangeleentheid.

**AFTREE-OUERDOM VAN PREDIKANTE** (vgl Agenda B.7 bl 298; T.12.3 pt 2.1; Notule Dag 5 bl ...)

Die Algemene Sinode besluit dat *Beskrywingspunt B.7* verwys word na die ATR vir verdere studie en verslag aan die Algemene Sinode.

**APOSTOLICUM: 'N EIETDSE INTERPRETASIE** (vgl A.10 bl 167 pt 3; A.10 (Aanvullende verslag) bl 1; T.10.1 pt 2.4; Notule Dag 3 bl ...)

1. Die Algemene Sinode neem kennis van die konsep-formulering van die eerste deel van die Apostolicum soos aan die vergadering voorgelê en aanvaar die styl en formaat daarvan.
- 2 Die Algemene Sinode versoek die werkgroep om die projek te voltooi en die teks soos dit vorder vir kommentaar op die internet aan te bied.
- 3 Die Algemene Sinode spreek sy dank en waardering uit teenoor die lede van hierdie taakgroep, veral diegene uit die geledere van ons NG Kerkfamilie, vir die harde en deeglike werk wat hulle gedoen het en waardeer hulle voortgesette betrokkenheid hierby.
- 4 Die Algemene Sinode versoek ook die Apostolicum-werkgroep om 'n korter en meer populêre weergawe (nog meer eenvoudige weergawe) vir tieners en lidmate te formuleer.
- 5 Die Algemene Sinode dra dit aan die Moderamen op om die verdere hantering van die projek, soos wat ATLAS dit in die volgende maande aan die vergadering sal voorlê, te hanteer met die oog op die voltooiing en afhandeling daarvan.

**ARGIEF- EN INLIGTINGSWETGEWING** (vgl Agenda A.2 bl 32 pt 6.5; Notule Dag 5 bl ....)

- 1 Sinodes word versoek om al hulle gemeentes, ringe, kerklike instansies en die Sinodale Kerkkantoor te vra om as 'n saak van dringendheid uitvoering te gee aan die vereistes van Wet 2 van 2000.
- 2 Sinodes word versoek om al hulle gemeentes, ringe, kerklike instansies en die Sinodale Kerkkantoor te vra om kennis te neem van die implikasies van Wet 25 van 2002 en die vereiste dat dokumente wat elektroniese geskep word (op 'n rekenaar/ skandeerder); elektronies gestuur en ontvang word (e-pos/faks), ook aan alle wetlike vereistes ten opsigte van bewaring moet voldoen.
- 3 ATABID volg die gang van die wetgewing ten opsigte van die beskerming van persoonlike inligting.
- 4 Die Moderamen wys 'n opvolger in die plek van dr CJJ Froneman aan as "Inligtingsbeampte van die NG Kerk" vir die doeleindes van Wet 2 van 2000 en stel die Kantoor van die Kommissie vir Menseregte daarvan in kennis.

**ARGIEF- EN INLIGTINGSWETGEWING** (vgl Agenda A.12 bl 283 pt 2.21.1; Notule Dag 5 bl ...)

Die Algemene Sinode neem kennis van die ATR se besluit dat die saak oorsaak in afwagting van die nuwe Argiefreglement.

**ARGIVALIA: DIGITERING VAN** (vgl Agenda A.2 bl 30 pt 3.5; Notule Dag 5 bl ....)

- 1 Die Algemene Sinode neem met dank kennis van die digitering van gemeentelike argivalia en van die ouer gemeentes deur beide die GSU en deur ABID met ondersteuning van die HJMNF.
- 2 Die Algemene Sinode keur die beplande digiteringsprojek goed waarvolgens die GSU ooreenkomstig die bestaande ooreenkoms met die NG Kerk, alle lidmaat- en huweliksregisters wat nog by gemeentes in al die sinodale gebiede is, stelselmatig volgens 'n program te digiteer.
- 3 Die digitering van alle registers tans nog by gemeentes word deur digiteringspanne van die GSU by gemeentes gedoen, behalwe in groter dorpe en stede waar registers na 'n sentrale punt geneem sal word vir digitering.

**ARMOEDE, WERKLOOSHEID EN SOSIALE ONGERECHTIGHEID** (vgl Verhelderingsgesprek oor die kerk en ons konteks: armoede, werkloosheid en sosiale ongerechtigheid; Notule Dag 4 bl ...)

**Die Algemene Sinode**

1. spreek sy diepe kommer uit oor die hoë vlakke van werkloosheid, armoede en sosiale ongerechtigheid asook die groter wordende kloof tussen ryk en arm en die invloed wat die faktore op morele verval, misdaad en geweld in Suidelike Afrika het.
2. neem met dank kennis van die talle projekte op die terrein van armoede-bekamping en maatskaplike ontwikkeling waarby die verskillende verbande van die kerk reeds betrokke is.
3. besluit dat die stryd teen armoede en vir sosiale ongerechtigheid 'n hoë prioriteit op die kerk se agenda moet wees en versoek die Moderamen om as 'n saak van dringendheid riglyne aan gemeentes, ringe sinodes te gee hoe die kerk verder by hierdie stryd betrokke kan wees .
4. versoek die Moderamen dat in die beplanning van die volgende algemene sinode daaraan aandag gegee sal dat die sinodesitting ook 'n leefstyl van soberheid sal weerspieël.

**ARTIKEL 20: BESKRYWINGSPUNT B.1.2 (2007)** (vgl Agenda A.12 bl 269 pt 2.3.1; Notule Dag 5 bl ...)

Die vergadering neem kennis dat die ATR uitvoering aan hierdie opdrag gegee het in sy hersiening van *Kerkorde Art<sup>s</sup> 20, 43.*

**ARTIKEL 48**

Kyk by *Eredienste*

**ARTIKEL 48.2** (vgl Agenda A.12 bl 270 pt 2.4; Notule Dag 2 bl ...)

Die Algemene Sinode neem kennis dat die ATR uitvoering aan hierdie opdrag gegee het in sy hersiening van *Kerkorde Art 48.2.*

**A TOT Z** (vgl Agenda A.12 bl 286 pt 5.1.4; Notule Dag 5 bl ...)

Die Algemene Sinode besluit dat beleidsaanbeveling 10 van die A tot Z vir *Kerkorde Art 7* nie in die *Kerkorde* opgeneem word nie, maar dat dit as beleid agter in die *Kerkordeboek* opgeneem word.

**A TOT Z** (vgl Agenda A.12 bl 286 pt 5.1.7; Notule Dag 5 bl ...)

Die Algemene Sinode besluit dat die Handves van Godsdienstrege asook die A tot-Z-Beleid in die *Kerkorde* opgeneem word as funksionele besluite.

**A TOT Z: HERSIENING VAN HOOFSTUK 6 VAN DIE A TOT Z-HANDLEIDING AANGAANDE PREDIKANTE (BELEIDSAGTERGROND)** (vgl Agenda A.3 bl 36 pt 5.1.1; Notule Dag 2 bl ...)

Die Algemene Sinode vervang Hoofstuk 6 van die A tot Z-Handleiding aangaande predikante (beleidsagtergrond) (vgl Agenda Algemene Sinode 2007, bl 253 tot 257) met die goedkeuring van die onderstaande Hoofstuk 6: (kyk Agenda 2011 bl 36-40)

**A TOT Z: HERSIENING VAN A TOT Z-BELEID AANGAANDE PREDIKANTE** (vgl Agenda A.3 bl 40 pt 5.2; Notule Dag 2 bl ...)

Die Algemene Sinode vervang pt 6 van die A-Z Beleid aangaande predikante (vgl Agenda Algemene Sinode 2007, bl 279) met die goedkeuring van die onderstaande pt 6: (kyk Agenda 2011 bl 40-41)

**BEDIENING VAN BEVRYDING** (vgl Agenda A.10 Bylaag 2 bl 187 pt 14; T.10.1 pt 2.3; Notule Dag 3 bl ...)

- 1 Die Algemene Sinode bely met blydschap die oorwinning van Jesus Christus oor al die manifestasies van die duiwel, bose magte, boosheid en kwaad in hierdie wêreld.
- 2 Die Algemene Sinode aanvaar dat hierdie oorwinning in baie gevalle nog nie ten volle sigbaar is nie, dat ons dikwels oorweldig is deur hierdie boosheid wat groter is as onself, ook juis weens die swakheid van die mens, die verleiding van die sonde en die gebroke werklikheid.
- 3 Die Algemene Sinode aanvaar daarom dat ons as kinders van God nog steeds in 'n geestelike stryd gewikkel is teen die boosheid in al sy manifestasies in die wêreld, maar veral teen die kwaad wat in elke mens skuil.
- 4 Die Algemene Sinode bevestig weer eens dat dit van uiterste belang is dat die kerk sal leef vanuit die geloofsperspektief dat, hoewel die Bose gelowiges steeds bedreig soos 'n brullende leeu en versoek soos 'n engel van die lig, die bose deur die lewe, sterwe en opstanding van Jesus en die uitstorting van God se Gees oorwin en aan bande gelê is.
- 5 Daarom meen die Algemene Sinode dat enige sogenaamde bediening van bevryding wat die geloofswaarheid oor die lewe en werk van Jesus en die Gees van God misken, geen bediening van die evangelie is nie en ook geen vryheid bring nie.
- 6 Die Algemene Sinode moedig daarom alle gelowiges aan om deur die krag van die Heilige Gees (in die gees van die oorwinning van Jesus) die boosheid die stryd aan te sê deur spesifiek te fokus op die

genadige verlossingswerk van Christus, sodat die kerk die ware kenmerke van Evangeliese gehoorsaamheid (liefde, genade, vergifnis en versoening) sal vertoon.

7 Die Algemene Sinode aanvaar die werklikheid dat daar 'n wye diversiteit van interpretasies en toepassing van die Bybelse boodskap oor die bese en demone binne die NG Kerk is. Daar is ruimte vir lidmate wat aan die werklike en persoonlike aard van die duivel en demone glo, en daar is ruimte vir lidmate wat die Bybelse spreke oor die bese en duiwels anders interpreteer.

8 Die Algemene Sinode oordeel dat die getuienis van leraars en lidmate van die NG Kerk dat hulle in hulle bediening wel mense teëgekome het van wie hulle oortuig was dat hulle deur bese magte of demone gedemoniseer was – en ook hulle getuienis dat 'n bediening van bevryding baie van hierdie mense van kwellings, vreesagtigheid, haat teenoor God en sy gebod bevry het – nie sonder meer afgewys moet word nie. Die Sinode aanvaar dat daar verskillende interpretasies is oor die werklikheid al dan nie van gedemoniseerdheid. Dit geld ook vir die interpretasie oor wie en wat agter bepaalde bevrydinge lê.

9 In die lig daarvan is dit die oordeel van die Algemene Sinode dat 'n bediening van bevryding as 'n buitengewone bedieningshandeling onder bepaalde voorwaardes toegelaat sou kon word eerder as om dit geheel en al te verbied. Die voorwaardes waaronder so 'n bediening toegelaat sou kon word, hou in dat:

9.1 die bediening van bevryding as 'n buitengewone bediening beoefen sal word en nie as deel van 'n roetine-pastoraat nie;

9.2 dit onder toesig van en met rapport aan die kerkraad en die ring gedoen word;

9.3 die persoon ook vir mediese evaluering verwys moet word. Daar rus 'n swaar verantwoordelikheid op persone wat so 'n bediening beoefen om mense nie skade te berokken deur siekte (onder meer psigiatriese versteurings) as besetenheid of gedemoniseerdheid te behandel nie;

9.4 daar met sorg gewaak word teen 'n animistiese verstaan van die skepping en teen die neiging om te dink daar skuil magiese kragte in sekere voorwerpe; teen lang konfronterende gesprekke met bese magte, asook teen die gepaardgaande triomfalisme wat straal uit sensasionele byeenkomste van bevryding;

9.5 daar verreken moet word dat die Gees van Christus in mense wat aan Christus behoort en sy Naam bely, leef. Bedieningspraktyke wat die algenoegsaamheid van die werk van Christus minag en daarmee die gereformeerde belydenis van die volkome verlossingswerk van die genadige God in Jesus op die spel plaas, word afgewys.

10 Die Algemene Sinode besef dat die verskillende kulture in ons land ons duidelik bewus gemaak het van die veel-fasettige aard van die siening oor die Bese; dat daar kontekste is waarin daar 'n werklike vrees vir eksterne bese magte is wat baie mense se lewens oorheers en dat hierdie lewenservaring ernstig opgeneem behoort te word. Die Algemene Sinode moedig daarom sy eie ampsdraers en lidmate aan, wat in sulke kontekste werk, om op verantwoorde wyse besondere aandag hieraan te gee met die doel om die radikale verlossingswerk van Christus met oorgawe te verkondig.

**BELYDENIS VAN BELHAR** (vgl Beskrywingspunt B.3 bl 292; T.11.1 pt 2.2; Notule Dag 4 bl ...)

Die Algemene Sinode besluit om Beskrywingspunt B.3, soos gewysig te aanvaar:

*Die Algemene Sinode besluit om die Belydenis van Belhar op kerkordelike wyse deel van die NG Kerk se belydenisgrondslag te maak en dra dit aan die Moderamen op om die nodige kerkordelike prosesse hieroor in werking te stel.*

**BELYDENIS VAN BELHAR** (vgl Beskrywingspunt B.10 Aanvullende Verslae bl 11; T.11.3 pt 1.1.1-1.1.3; Notule Dag 4 bl ...)

1 Die Algemene Sinode aanvaar nie beskrywingspunt B.10 Belhar nie.

2 Die Algemene Sinode volstaan met die besluit van 1998: "Die AS aanvaar dat die Belydenis van Belhar op sigself genome nie met die drie formuliere van eenheid in stryd is nie" en ook "aanvaar ter wille van die eenheidsproses en sy getuienis die wesenlike inhoud van die Belydenis van Belhar."

3 Die Algemene Sinode wys daarop dat die NG Kerk in gesprek is met die VGKSA. Die gesprek word gefasiliteer deur die WGGK. In die gesprek word ook aandag gegee aan die teologiese inhoud van die Belydenis van Belhar.

**BELYDENIS VAN BELHAR: STUDIE** (vgl Notule Dag 4 bl ...)

Die Algemene Sinode dra dit aan die Moderamen op om, as deel van die proses, 'n deeglike studie te doen van die historiese, teologiese en kontekstuele relevansie van die Belhar Belydenis ten einde die volgende Algemene Sinode en alle kerkvergaderings te adviseer.

**BEVOEGDHEID: AMPSBEVOEGDHEID** (vgl Agenda A.3 bl 36 pt 4.2; Notule Dag 5 bl ...)

1 Die Algemene Sinode keur die volgende kategorieë van ampsbevoegdheid goed:

1.1 Teologiese student

1.2 Proponent

1.3 Volle ampsbevoegdheid

1.4 Beperkte bevoegdheid

2 Die Algemene Sinode voeg 'n nuwe Artikel 31.8 in die Kerkorde in:

**“Die vergunning van preekbevoegdheid op versoek van kerkrade” (vgl Riglyne: Toekenning van beperkte bevoegdheid aan lidmate).**

**BEVOEGDHEID: AMPSBEVOEGDHEID** (vgl A.3 bl 36 pt 4.2; T.12.2 bl 3 pt 2.1.1; Notule Dag 5 bl ...)

**Die Algemene Sinode besluit dat:**

- 1. pt 4.2.2 goedgekeur word en dat Art 31 dan met ‘n 2/3e meerderheid goedgekeur word.**
- 2. aanbeveling 4.2 opgeneem word in die Reglement vir Bevoegdheid.**

**BEVOEGDHEID: BEDIENINGSBEVOEGDHEID** (vgl Agenda A.12 bl 279 pt 2.10.1; Notule Dag 5 bl ...) – goedgekeur

**Die Algemene Sinode neem kennis dat die ATR uitvoering aan hierdie opdrag gegee het in sy hersiening van *Kerkorde* asook met die aanbevelings soos vervat in A12 punt 2.8 hierbo.**

**BEVOEGDHEID: EMERITUS AS HUWELIKSBEVESTIGER** (Notule Dag 2 bl ....)

**Goedgekeur en verwys na Tydelike ATR en Tydelike ADGO:**

**Voeg by punt 4.1.5.3 op bl 35 in: “Tree as huweliksbevestiging op”.**

**BEVOEGDHEID: VOLLE AMPSBEVOEGDHEID (EMERITUS)** (vgl Agenda A.3 bl 35 pt 4.1.5.3; T.3.1; Notule Dag 5 bl ...)

**Dit is 'n predikant wat die aftree-ouderdom bereik het en geëmeriteer het. 'n Persoon wat oor volle ampsbevoegdheid (emeritaat) beskik, kan:**

**\*Alle ampspligte uitvoer soos beskryf in Artikel 9 op uitnodiging en toesig van 'n kerkraad**

**\*Is slegs beroepbaar in terme van die besluite by *Kerkorde* Artikel 11**

**\*Kan steeds voortgaan as Huweliksbevestiging na emeritaat.**

**BEVOEGDHEID: BEPERKTE BEVOEGDHEID** (vgl Agenda A.3 bl 36 pt 4.1.6.4; T.3.1; Notule Dag 5 bl ...)

**Persone wat oor beperkte bevoegdheid beskik, kan:**

**\* Net die Woord bedien (indien kwalifikasie dit toelaat) onder opsig en toesig van die kerkraad en ring**

**\* Diens van die gebede**

**\* Onderrig en toerusting**

**\* opbou van die gemeente**

**\*dienswerk in die gemeente**

**\*leiding en organisering van die gemeente**

**\*pastorale versorging**

**BEVOEGDHEID: ALGEMENE BEVOEGDHEIDSRAAD** (vgl Agenda A.12 bl 279 pt 2.8.5; Notule Dag 2 bl ...)

**Die Algemene Sinode**

**1 besluit om 'n Algemene Bevoegdheidsraad (ABR) daar stel om alle sake rakende bedieningsbevoegdheid namens die Algemene Sinode te hanteer;**

**2 versoek die Bestuurspan van die ASM om so gou moontlik kantoorfasiliteite tot beskikking van die ABR te stel;**

**3 keur die Reglement vir die Algemene Bevoegdheidsraad (ABR) goed (Punt 2.8.4 hierbo);**

**4 gee opdrag aan die ATR om te kontroleer watter wysigings aan die reglemente deur die instelling van die ABR nodig sal wees en die voorgestelde wysigings aan die Moderamen vir goedkeuring voor te lê;**

**5 Die Algemene Sinode besluit verder**

**5.1 dat alle proponente, bedienaars van die Woord in diens van gemeentes en die kerkverband, ander persone met die bevoegdheid van bedienaar van die Woord en emeriti by die ABR registreer en dat 'n jaarlikse registrasiefooi betaalbaar word.**

**5.2 om werkgewers te versoek om minstens 50% van die registrasiefooi vir 'n bedienaar van die Woord/proponent/emertus in diens van 'n gemeente/kerkverband te betaal;**

**5.3 dat die jaarlikse registrasiefooi deur die Bestuurspan van die Moderamen op aanbeveling van die ABR en die ATF vasgestel word;**

**5.4 om op aanbeveling van die Tydelike ATR die eerste lede van die ABR aan stel.**

**6 Die Algemene Sinode gee opdrag aan die Moderamen om, nadat advies van die ABR en die ATF ontvang is, die koördineerder/uitvoerende amptenaar aan te stel.**

**BEVOEGDHEID: SENTRALE KANTOOR** (vgl Agenda A.3 bl 45 pt 7.3 ; T.12.2 pt 2.3.1; Notule Dag 2 bl ...)

**Die Algemene Sinode skep 'n Sentrale Kantoor vir Bevoegdheid soos verwoord in pt 5.1 (pt 6.5) en pt 7 van hierdie verslag.**

**BEVOEGDHEID: KANTOOR VIR ALGEMENE BEVOEGDHEIDSRAAD (ABR)** (vgl Agenda A.3 bl 45 pt 7.2 en 7.3; T.3.2 bl 1 pt 2; Notule Dag 5 bl ...)

**Die Algemene Sinode gee die opdrag aan die Moderamen om:**

1 in die lig van 2.8.5.2 'n datum te bepaal wanneer die kantoorfasiliteite aan die ABR beskikbaar gestel word

2 die lede van die ABR in samewerking met die ATR aan te wys

3 die volgende te bepaal:

3.1 datum van implementering van die jaarlikse registrasiefout

3.2 die finansiering van die Kantoor van die ABR te fasiliteer in samewerking met die ATF

3.3 die eerste jaarlikse registrasie registrasiefout

4 om nadat die eerste proses van finansiering gefinaliseer is 'n koördineerder/ uitvoerende amptenaar te benoem.

**BEVOEGDHEID VIR BEDIENING VAN SAKRAMENTE** (vgl Notule Dag 5 bl ...)

Die Algemene Sinode versoek dat 'n projekspan saamgestel word om 'n studie te doen oor wie die sakramente mag bedien.

**BEVOEGDHEID VAN PROPONENTE TOV SAKRAMENTE** (vgl Agenda A.12. bl 280 pt 2.11.1; Notule Dag 5 bl ...)

Die Algemene Sinode neem kennis dat die ATR uitvoering aan hierdie opdrag gegee het in sy hersiening van die *Kerkorde*.

**BEVOEGDHEID VAN GEESTELIKE WERKERS** (vgl Agenda A.12 bl 283 pt 2.19.1; Notule Dag 5 bl ...)

Die Algemene Sinode neem kennis dat die ATR uitvoering aan hierdie opdrag gegee het asook met die aanbevelings soos vervat in A.12 punt 2.8 en 2.15 hierbo.

**BEVOEGDHEIDSAANGELEENTHEDE** (vgl Agenda A.12 bl 285 pt 3.2; Notule Dag 5 bl ...)

Die Algemene Sinode neem kennis dat alle bevoegdheidsaangeleenthede behoorlik in die bevoegdheidsregister aangeteken en ter insae op aanvraag beskikbaar is.

**BYBELVERTALING** (vgl Agenda A.4 bl 47 pt 1.4; Notule Dag 3 bl ...)

1 Voltooide vertalings

Die Algemene Sinode betuig sy dank teenoor die *Bybelgenootskap van Suid-Afrika* en die betrokke vertaalspan vir die voltooiing van *Die Bybel vir Doves* (en *Die Bybel vir almal*) en doen 'n beroep om lidmate om die gebruik hiervan wyd aan te moedig.

2 Vordering met die nuwe vertaalprojek (ABV)

Die Algemene Sinode neem met dank kennis van die mate van vordering in die projek vir die bronteksgeörienteerde vertaling van die Bybel in Afrikaans.

3 Rol van NG Kerk-lidmate

Die Algemene Sinode neem met dank kennis van die groot aantal lidmate wat as teoloë, brontaal- en doeltaalkenners as medewerkers betrokke is by die ABV.

4 Webblad

Die Algemene Sinode moedig ons lidmate en gemeentes aan om op die BSA se webblad kennis te neem van die projek en sy vordering, asook van enige proefvertalings wat daar bekendgestel word.

5 Finansiële steun vir ABV

Die Algemene Sinode neem met dank daarvan kennis dat die BSA geen direkte bydrae vir die ABV van onderskeie kerke vra nie, maar moedig ons eie lidmate en gemeentes aan om die projek finansiëel te ondersteun.

6 Opdrag

Die Algemene Sinode gee opdrag aan die ATBV om steeds sy volle medewerking aan die BSA te verleen vir hierdie groot projek.

**BYBELVERKLARING** (vgl Agenda A.4 bl 48 pt 2.4; Notule Dag 3 bl ...)

1 SGB-reeks

Die Algemene Sinode versoek die ATBV om voort te gaan met die SGB-reeks en dit tot voltooiing te bring.

2 Dank teenoor Lux Verbi.BM

Die Algemene Sinode betuig sy dank teenoor Lux Verbi.BM vir die diens wat deur die jare gelewer is ten opsigte van die elektroniese en ander vorme van publikasie van die SGB-reeks.

3 Samewerking met die VGKSA

Die Algemene Sinode ondersteun die nouer samewerking met die VGKSA op die terrein van Bybelvertaling en –verklaring.

**BYBELVERSPREIDING** (vgl Agenda A.4 bl 50 pt 3.7; Notule dag 3 bl ...)

1 Dank vir ondersteuning

Die Bybelgenootskap van Suid-Afrika spreek sy groot en opregte dank uit teenoor die leraars, gemeentes, lidmate en akademici van die NG Kerk vir hul besondere en volgehoue ondersteuning van die Bybelgenootskap in gebede, in bydraes, in Bybelvertaling, in die verspreiding van die Bybel asook diens op die verskillende beheerliggame van die Bybelgenootskap.

## **2 Aktiewe betrokkenheid, gebed en finansiële ondersteuning**

Die Algemene Sinode versoek alle gemeentes en lidmate om deur volgehoue gebeds- en finansiële ondersteuning aktief by die verskillende programme van die Bybelgenootskap betrokke te bly wees. Elke R35 help die Bybelgenootskap om een Bybel bekostigbaar beskikbaar te stel en kan as doelwit per lidmaat per jaar gestel word.

## **3 Streekkomitees van die BSA**

Die Algemene Sinode versoek streeksinodes om gereeld, by verstryking van termyne, predikante en lidmate, vir wie die saak van Bybelverspreiding na aan die hart lê, as verteenwoordigers op die Streekkomitees van die Bybelgenootskap te benoem.

**BYBELVERTALING, -VERKLARING EN –VERSPREIDING: FUNKSIONERING VAN TAAKSPAN ATBV** (vgl Agenda A.4 bl 50 pt 4.2; Notule Dag 3 bl ...)

### **1 Personeel**

Die Algemene Sinode wys die volgende lede aan om vir die volgende termyn in die ATBV te dien:

**1.1 Deur NG Kerk Dosenterade van die drie Teologiese Fakulteite aanbeveel:**

**OT: Proff HL Bosman (US), DJ Human (UP), SD Snyman (UV)**

**NT: Proff HJB Combrink (US), GJ Steyn (UP), HC van Zyl (UV)**

**1.2 Deur VGKSA aanbeveel:**

**Proff PJJES Els (OT), GD Cloete (NT)**

**1.3 Deur die Bybelgenootskap van Suid-Afrika aanbeveel:**

**Di GS Kritzinger en DC Taljaard**

**1.4 Vakkundiges deur ATBV aanbeveel:**

**Proff JA Naudé en CHJ van der Merwe (Hebreeus/Vertaalkunde), JA du Rand (NT) en DF Tolmie (NT).**

### **2 Begroting**

Die Algemene Sinode begroot vir die werksaamhede van die Taakspan ATBV

**BYBELVERTALING, -VERKLARING EN –VERSPREIDING: FUNKSIONERING VAN DIE TAAKSPAN ATBV** (vgl T.12.2 pt 3.1.1; Notule Dag 3 bl ...)

Die TRK het die wysigings nagegaan en vind dit in orde dat die Reglement (ATBV) dienooreenkomstig gewysig word deur die ATR en met die goedkeuring van die Moderamen.

**DIENS EN GETUIENIS** (vgl Agenda A.5 bl 57 pt 15; Notule Dag 4 bl ...)

**1 Die Algemene Sinode besluit dat, in die lig van die voorgestelde struktuurering van die Algemene Sinodale werksaamhede, die ooreenkoms met die ander kerke rakende 'n Verenigde Diensgroep vir Diens en Getuienis in stand gehou word en dat verteenwoordigers van die NG Kerk om in die VDDG te dien, aangewys word.**

**2 Die Algemene Sinode identifiseer die volgende sake as prioriteite en verwys dit na die Moderamen om in terme van die voorgestelde struktuurering verder daarmee te handel:**

**2.1 die voortgaande besinning oor diens en getuienis as 'n geïntegreerde bediening en hoe dit vêrder in die kerklike praxis neerslag kan vind;**

**2.2 die ontwikkeling van 'n omvattende beleidsdokument oor die kerk se getuienis en betrokkenheid in die samelewing wat as 'n raamwerk die kerk in al haar verbande (Algemene Sinode, sinodes, ringe en gemeentes) sal dien. Hierdie dokument moet nie net 'n teologiese besinning wees nie, maar ook riglyne ten opsigte van die praxis bevat;**

**2.3 versoening in die NG Kerkfamilie en in die breë Suider-Afrikaanse gemeenskap;**

**2.4 'n seisoen vir evangelisasie;**

**2.5 die bestryding van armoede en ekonomiese ongeregtheid;**

**2.6 globalisering en die effek daarvan op die mens en die ekologie;**

**2.7 die kerk se rol in die bekamping van misdaad en geweld.**

**DIENSVERHOUDINGE** (Notule Dag 5 bl ...)

**Die Algemene Sinode:**

**1. Versoek Sinodes om moeite te doen met die opleiding van Gemeentelike Diensverhouding Kommissies.**

**2. Versoek Sinodes om in hulle opleiding aandag te gee aan:**

**\* Formele aspekte**

**\* Versorgings-aspekte**

**3. Gebruik te maak van die Bestuurshandleiding vir Diensverhouding.**

**4. Versoek Sinodes om riglyne daar te stel vir die samestelling, toerusting en funksionering van Diensverhouding Kommissies.**

**DIENSVERHOUDINGE EN BESTUURSHANDLEIDING** (vgl A.6.1: Wysiging van Agenda A.6 bl 71 pt 2.3; T.12.2 pt 4.1.1; Notule Dag 5 bl ...)

**Die Algemene Sinode**

**2.3.1 besluit dat, die ATDV as selfstandige Taakspan van die Algemene Sinode, ontbind**

- 2.3.2 besluit dat die ATDV se werksaamhede/opdragte verdeel word soos volg:**
- 2.3.2.1 die hantering van die Bestuurshandleiding deur die ATR**
- 2.3.2.2 sake wat predikante raak deur die ABR**
- 2.3.2.3 bestuur van die Algemene Sinode se personeel deur die Sinodale Kantoor in samewerking met die ATR**
- 2.3.3 Versoek die ATR om te begroot vir die voortdurende hersiening van die Bestuurshandleiding vir Diensverhoudinge**

**DIENSVERHOUDINGE: ART 7** (vgl Agenda A.12 bl 286 pt 5.1.3; Notule Dag 5 bl ...)

Die Algemene Sinode keur die versoek van die ATR goed dat die voorstelle van die Oostelike Sinode oor die Art 7-besluite verwys word na die Algemene Taakspan Diensverhoudinge vir opname in die Bestuurshandleiding vir Diensverhoudinge van die Algemene Sinode.

**DIENSVERHOUDINGE: VERLOFREËLINGS** (vgl Agenda A.12 bl 285 pt 2.25; Notule Dag 2 bl ...)

**2.25.1** Die finalisering van die Reglement vir Verlof word na 'n werkwinkel van kundiges verwys om die nodige reglement(e) saam te stel en so spoedig moontlik na die Algemene Sinode aan die ASM vir goedkeuring voor te lê. Die ATR word versoek om die werkwinkel te reël en kundiges daarna uit te nooi.

**DIENSVERHOUDINGE: VASTE TERMYNPOS** (vgl Agenda A.12 bl 281 pt 2.12.3; Notule Dag 2 bl ...)

Die finalisering van die Reglement vir Vaste Termyn kontrakposte word na 'n werkwinkel van kundiges verwys om die nodige reglement(e) saam te stel en so spoedig moontlik na die Algemene Sinode aan die ASM vir goedkeuring voor te lê. Die ATR word versoek om die werkwinkel te reël en kundiges daarna uit te nooi.

**DIVERSITEIT** (vgl Agenda A.11 Bylaag 4 bl 233 pt 6.2.5; Notule Dag 4 bl ...)

Die Algemene Sinode aanvaar dat diversiteit nie die belydenisgrondslag van ons Kerk in gedrang mag bring nie (kyk pt 6.2.5 van A.11 Bylaag 4 Diversiteitsbestuur).

**DOOP** (vgl Agenda Bekrywingspunte B.1 en B.2 bl 291; T.10.1 pt 2.2; Notule Dag 3 bl ...)

- 1. Die Algemene Sinode bevestig ons gereformeerde oortuiging dat die Verbondsdoo uitdrukking gee aan die grondwaarheid van die Evangelie dat God se genade en trou te alle tye ons gelowige aanvaarding daarvan voorafgaan en selfs omsluit.**
- 2. Die Algemene Sinode vra daarom kerkrade en predikante om die gereformeerde verstaan van die verbondsdoo met oortuiging en deernis te verduidelik en te bevestig, ook aan lidmate wat ander oortuigings oor die doop huldig.**
- 3. Die Algemene Sinode gee terselfdertyd erkenning aan die feit dat Christelike kerke nie almal dieselfde Doopbeskouing huldig nie, maar dat ons nogtans saam met mekaar deel uitmaak van die Kerk van Christus.**
- 4. Die Algemene Sinode gee dankbaar erkenning aan lidmate wat ten spyte van hulle ander verstaan van die doop steeds lojiaal bly aan die kerkverband en wil hulle verseker dat hulle 'n geestelike tuiste in die NG Kerk het.**
- 5. Die Algemene Sinode vra opreg verskoning vir lidmate wat op een of ander wyse rondom die doop seergekry het, en nooi hulle uit tot onderlinge gesprek waar daar op pastorale wyse saam oor die saak gesels en gebid kan word.**
- 6. Die Algemene Sinode verseker lidmate wat die NG Kerk vanweë hulle doopverstaan verlaat het, dat die NG Kerk 'n geestelik tuiste wil wees vir alle kinders van die Here en nooi hulle hartlik uit om hulle regmatige plek in hulle plaaslike NG gemeente in te neem en saam te werk aan die koms van God se koninkryk.**

**DOOPHERDENKING/ HERINNERING** (vgl Agenda A.8 bl 146 pt 9; T.10.1 pt 2.2; Notule Dag 3 bl ...)

**1. Vertrekpunte vir gesprek**

**1.1** Die Sinode is van oordeel dat die gesprek en beredenering oor die gereformeerde vertrekpunte van die doop deur die jare in die Nederduitse Gereformeerde Kerk deurdag is en 'n rykdom van teologie ontsluit.

**1.2** Die Sinode bevestig weer dat die verbondsteologie sentraal staan in die beredenering van doopherdenking of -herinnering.

**1.3** Die Algemene Sinode bevestig dat in gehoorsaamheid aan die verbondsbefoete van ouers, ouers en die kerk verantwoordelikheid moet aanvaar vir die verbondsonderrig (kategese) van hul gedoopte kinders sodat hulle gelei word tot 'n toe-eiening van die heil (belydenisaflegging) wat nie aan 'n bepaalde ouderdom gekoppel kan word nie (soos tans in die kerkorde vasgestel word), en versoek daarom die Taakspan Kategese om die plek, aard en ouderdom vir belydenisaflegging te ondersoek.

**1.4** Die Sinode besluit om niks by te voeg tot die gesprek oor die doop, kindernagmaal en kategese nie, maar wel net te fokus op die opdrag oor doopviering.

## 2. Terminologie

Die Sinode besluit dat die kerk eerder die woorde doopherdenking of doopherinnering sal gebruik.

## 3. Riglyne vir die herdenking/herinnering

3.1 Die Sinode bevestig dat die heil altyd en in alle omstandighede gevier moet word.

3.2 Die Algemene Sinode wys lidmate daarop dat die gereelde viering van die nagmaal die primêre plek van viering is.

3.3 Die Algemene Sinode bevestig dat die doopherinnering/viering nie as 'n her/weerdoop interpreteer mag word nie, maar direk met die verbonds-/christelike doop saamhang.

3.4 Die Sinode besluit dat gemeentes aangemoedig word om geleenthede te skep waar doopherinnering of herdenking deel word van lidmate en gemeentes se verhaal.

3.5 Die Sinode beveel aan dat sakramentsviering 'n groter rol binne liturgie, kategese en die erediens sal speel.

3.6 Dit staan Kerkrade ook vry om toepaslike rituele te vestig wat die behoefte van sulke lidmate opvang om simbolies uitdrukking te gee aan hulle sterwe en opstanding saam met Christus. Hierdie rituele is nie Sakramente nie en vervang nie die Verbondsdooop nie.

**DOOP: OPDRAGTE RONDON** (vgl Notule Dag 3 bl ...)

1. Die Algemene Sinode gee aan ADGO opdrag om 'n taakspan te benoem wat ondersoek doen na wyses waarop daar aan doopherinnering / doopherdenking gestalte gegee kan word.

2. AKLAS word versoek om die Sinode te bedien met 'n dokument wat die noodsaak van die verhouding tussen die doop as eenmalige toesegging in die heil en nagmaal as herhalende viering van die heil binne die verbondsteologie belig.

**EKUMENE: WRF** (vgl Agenda A.11 Bylaag 6 bl 250 pt 1.4.3; Notule Dag 4 bl ...)

Die Algemene Sinode besluit dat die NG Kerk lid word van die WRF.

**EKUMENE: LIGGAAM VIR KERKE VAN DIE BREËR NG KERKFAMILIE** (vgl Agenda A.11 Bylaag 6 bl 252 pt 2.3; Notule Dag 4 bl ...)

1 Die Algemene Sinode besluit om kennis te neem dat die Federale Raad ontbind het (die besluit is reeds in 2004 deur die NG Kerk geneem).

2 Die Algemene Sinode onderskryf die besluite 1-6 tov die band tussen die kerke van die NG Kerkfamilie:

### *Die vergadering*

1. *Besluit om die Federale Raad te ontbind met onmiddellik effek;*

2. *Herbevestig dat voortdurend na geleenthede gesoek moet word om die onderlinge eenheid van die NG Kerke in Afrika te versterk en uit te bou;*

3. *Besluit dat in plaas daarvan om dadelik weer 'n struktuur daar te stel, riglyne ontwikkel moet word vir die instandhouding en versterking van die eenheid van die familie;*

4. *Versoek die NG Kerk van Suid-Afrika om telkens saam met vergaderings van ekumeniese liggame waaraan die verskillende kerke behoort, soos die Wêreldgemeenskap van Gereformeerde Kerke (WCRC), die Community of Reformed Churches in Africa (CRCA) en die All Africa Conference of Churches (AACC), asook saam met vergaderings van die Algemene Sinode van die NG Kerk, vergaderings van die familie van NG Kerke te reël;*

5. *Besluit dat die vennootskapsvergaderings van die Verenigde Diensgroep vir Diens en Getuienis ook benut moet word as geleenthede waar die onderlinge eenheid van die NG Kerkfamilie in Afrika verder versterk en uitgebou word en versoek dat die vergaderings op 'n gereelde basis, verkieslik elke tweede jaar sal plaasvind;*

6. *Besluit dat 'n gereelde nuusbrief verkieslik twee keer per jaar aan al die kerke wat deel is van die familie van NG Kerke gestuur sal word. Die doel van die nuusbrief is om die verskillende kerke in die familie aan mekaar bekend te stel, nuus van die werksaamhede van die verskillende kerke te publiseer en sake vir voorbidding bekend te maak. Die NG Kerk word versoek om verantwoordelikheid vir die uitstuur van die nuusbrief te neem.*

**EKUMENE: GCF** (vgl Agenda A.11 Bylaag 6 bl 251 pt 1.5.5; Notule Dag 4 bl ...)

Die Algemene Sinode besluit dat die NG Kerk lid word van die GCF.

**EKUMENE: LIDMAATSKAP VAN DIE AACC** (vgl Agenda A.11 Bylaag 6 bl 252 pt 2.2.5; Notule Dag 4 bl ...)

Die Algemene Sinode besluit om dit aan die Moderamen op te dra om 'n weg te vind tov die NG Kerk se aansoek om lidmaatskap van die AACC.

**EKUMENIESE BANDE MET DIE ACK** (vgl Agenda A.11 Bylaag 6 bl 254 pt 4.6.4; Notule Dag 4 bl ...)

Die Algemene Sinode besluit om itv Kerkorde Art 70 volle ekumeniese bande met die ACK van Nieu-Seeland aan te gaan.



**EKUMENIESE BANDE GEKA** (vgl Agenda A.11 Bylaag 6 bl 254 pt 4.7.3; Notule Dag 4 bl ...)

**Die Algemene Sinode besluit om itv Kerkorde Art 70 volle ekumeniese bande met die GEKA aan te gaan.**

**EKUMENIESE BANDE UCA** (vgl Agenda A.11 Bylaag 6 bl 254 pt 4.9.4; Notule Dag 4 bl ...)

**Die Algemene Sinode besluit om in terme van Kerkorde Art 70 met die UCA te onderhandel oor 'n bilaterale ekumeniese verhouding en moontlike volle ekumeniese bande.**

**EKUMENIESE BANDE RCEA** (vgl Agenda A.11 Bylaag 6 bl 255 pt 5.5.5; Notule Dag 4 bl ...)

**Die Algemene Sinode besluit om in terme van Kerkorde Art 70 met die RCEA te onderhandel oor volle ekumeniese betrekkinge.**

**EKUMENIESE BANDE MET KERKE BUIE SA WAT UIT DIE NG KERK SPRUIT** (vgl Agenda A.11 Bylaag 6 bl 255 pt 5.2.3; Notule Dag 4 bl ...)

**Die Algemene Sinode besluit om in terme van Art 70 met die kerke buite SA wat uit die NG Kerk spruit volle ekumeniese betrekkinge aan te gaan.**

**EKUMENIESE BANDE FJKM** (vgl Agenda A.11 Bylaag 6 bl 255 pt 5.3.4; Notule Dag 4 bl ...)

**Die Algemene Sinode besluit om in terme van Kerkorde Art 70 met die FJKM te onderhandel oor 'n bilaterale ekumeniese verhouding.**

**EKUMENIESE BANDE CEC** (vgl Agenda A.11 Bylaag 6 bl 255 pt 5.4.6; Notule Dag 4 bl ...)

**Die Algemene Sinode besluit dat die NG Kerk vir die huidige itv Art 70b.3.2 in 'n gedeeltelike verhouding met die CEC tree.**

**EKUMENIESE BANDE MET DIE VOLKSKERK VAN AFRIKA EN DIE CALVYN PROTESTANTSE KERK** (vgl Agenda A.11 Bylaag 6 bl 256 pt 6.7.4; Notule Dag 4 bl ...)

**Die Algemene Sinode dra dit aan die Moderamen op om ekumeniese verhoudinge met die Volkskerk van Afrika en die Calvyn Protestantse Kerk te ondersoek.**

**EKUMENE: MODELLE VIR DIVERSITEIT VAN EKUMENIESE VERHOUDINGE** (vgl A.11 Bylaag 6 bl 257 pt 8; Notule Dag 4 bl ...)

1. Die Algemene Sinode erken die diversiteit van ekumeniese verhoudinge.
2. Suid-Afrikaners in Groot Brittanje, Europa, Afrika en Dubai wat kerklik wil inskakel bevind hulleself in buitengewone en unieke situasies. Denominasies en gemeentes het spesifieke behoeftes rondom kerklike en ekumeniese bande met die NG Kerk.
3. Die Algemene Sinode gee opdrag aan die moderamen om modelle daar te stel wat ruimte maak vir betekenisvolle kerklike en ekumeniese verhoudinge.
4. Die Algemene Sinode word versoek om die saak as hoë prioriteit te hanteer.

**EKUMENE: WAARDERING VIR EKUMENIESE BETREKKINGE** (vgl T.11.2; Notule Dag 4 bl ...)

1. Die Algemene Sinode het met groot waardering geluister na die talle groetboodskappe van oor die hele wêreld, VSA, Europa, Afrika en Australasië, wat aan die NG Kerk Sinode gerig is.
2. Die Algemene Sinode spreek sy dank en waardering uit teenoor dr Kobus Gerber vir sy onvermoeide passie om die NG Kerk se ekumeniese betrekkinge te vestig en uit te brei – en sodoende ook die kerk instaat stel om 'n deurslaggewende rol te speel in die kerk se getuienis in die wêreld.

**EKUMENIESE VERTEENWOORDIGERS: SPREEKBEURTE** (vgl Notule Dag 5 bl ...)

**Die Sinode dra dit aan die Moderamen op om op voetspoor van die Sinode van Dordrecht (1618-19), te oorweeg om spreekbeurte tydens debatte toe te laat aan die verteenwoordigers van ons ekumeniese genote ter vergadering.**

**EREDIENSTE (LEIDING VAN): ARTIKEL 48** (vgl Agenda A.8 Bylaag 3 bl 113 pt 5; T.12.2 pt 6.5; Notule Dag 5 bl ...)

- 1 Die Algemene Sinode keur nie ADGO se voorstel vir die wysiging van Art 48 goed nie.
- 2 Die Algemene Sinode besluit dat die ATR se voorstel gewysig word, naamlik dat 48.3.5 soos volg lui: 'n ouderling wat preekvergunning van die kerkraad en die ring en ontvang het (sien ook Kerkorde Art<sup>s</sup> 3 en 10).
- 3 Die Algemene Sinode besluit dat die voetnota by Art 48.3.3 uitgebrei word (Agenda bl 290) (Voeg in).
- 4 Die Algemene Sinode neem die voorstel van die ATR rakende Art 48 in sy geheel in behandeling en keur dit goed met die wysiging van punt 2 hierbo.

**EVANGELISASIE** (Notule Dag 2 bl ....)

**Die Algemene Sinode dra dit aan ADD op om 'n meer omvattende omskrywing van die Evangelisasie te formuleer om ook die Skriftuurlike verstaan van Evangelisasie by te werk.**

**FLAM** (vgl Agenda A.8 Bylaag 6 bl 122 pt 4.5; Notule Dag 2 bl ...)

**1 Die Algemene Sinode ondersteun die samestelling en werkswyse van Flam**

**2 Algemene Sinode moedig gemeentes aan om gebruik te maak van hierdie teologiese- en musikaal-gekeurde nuwe kontemporêre liedere**

**FLAM-MUSIEKUITGEWERS** (vgl Agenda A.8 Bylaag 6 bl 122 pt 5.3; Notule Dag 2 bl ...)

**1 Die Algemene Sinode ondersteun die samestelling en werkswyse van Flam Musiekuitgewers.**

**2 Gemeentes word aangemoedig om die lede van Flam uit te nooi om die liedere in hul gemeentes te kom bekendstel.**

**FLAM: PRODUKTE EN DIENSTE** (vgl Agenda A.8 Bylaag 6 bl 122 pt 6.10; Notule Dag 2 bl ...)

**1 Gemeentes en veral skribas word aangemoedig om so spoedig moontlik in te teken op Flam se nuusbrief om sodoende op hoogte te bly van nuwe geleenthede en produkte wat tot voordeel van die kerk kan wees.**

**2 Streek- en algemene sinodale vergaderings word aangemoedig om gebruik te maak van Flam se begeleidingsgroep tydens sinodesittings.**

**FLAM: WERKSAAMHEDE** (vgl Agenda A.8 Bylaag 6 bl 123 pt 8.2; Notule Dag 2 bl ...)

**Die Algemene Sinode oorweeg dat die werksaamhede van Flam as 'n prioriteit in die kerk voortgesit moet word en indien wel, dat die nodige fondse, soos in die verlede, daarvoor opsy gesit moet word.**

**FONDSE: INKOOP VAN DIENSTE** (vgl Agenda A.7 bl 72 pt 2; Notule Dag 4 bl ...)

**Die Algemene Sinode besluit om die inkoop van dienste tot uitgawes van funksionaris te beperk. Leraars wat vir bepaalde dienswerk verkies word, moet dit binne die riglyn van 10% van hulle tyd aan die kerkverband uitvoer. Taakspanne van die Algemene Sinode moet so funksioneer dat hulle hulle personeel binne hierdie riglyn aanwend.**

**FONDSE: BEFONDSING VAN DIE ALGEMENE SINODE** (vgl Beskrywingspunt B.6 bl 298; T.7.1 punt 1.2; Notule Dag 4 bl ...)

**Die Algemene Sinode onderskryf die meriete van die beskrywingspunt van Oostelike sinode (B.6) Dit is egter op die oomblik nie haalbaar nie.**

**FONDSE: BEFONDSING VAN DIE ALGEMENE SINODE** (vgl T.7.1 pt 1; Notule Dag 4 bl ...)

**Die Algemene Sinode onderskryf die besluite van die ATF soos in hierdie verslag (pt 1.1) vervat.**

**GEMEENTEGRENSE: INSKAKELING OOR** (vgl Agenda A.12 bl 283 pt 2.18.1; Notule Dag 2 bl ...)

**Die Algemene Sinode neem kennis dat die ATR geen voorstel van ADGO óf van die Sinodes hieroor ontvang nie en dus géén aanbeveling aan die Algemene Sinode hieroor kan maak nie.**

**GRONDHERVORMING EN LANDELIKE ONTWIKKELING** (vgl Agenda A.11 Bylaag 3 bl 226 pt 4.2; Notule Dag 4 bl ...)

**1 Die Algemene Sinode aanvaar dit as uitgangspunt dat Grondhervorming, in 'n Suid-Afrikaanse konteks (en veral teen die agtergrond van ons unieke geskiedenis), vanuit Christelike oortuiging geregverdig en noodsaaklik is.**

**2 Die Algemene Sinode aanvaar dit ook as uitgangspunt dat blywende vrede en voorspoed vir alle inwoners van ons lande in Suidelike Afrika vanuit ons Christelike geloof gemotiveer kan word – en wil die verantwoordbare proses (waarin reg en geregtigheid geskied teenoor almal) tot die verkryging van hierdie ideaal voorstaan en help bevorder.**

**3 Die Algemene Sinode spreek sy dank en waardering uit teenoor sy lidmate in die boerderygemeenskap vir die wyse waarop hulle, in 'n gees van konstruktiewe betrokkenheid, die afgelope jare sedert die nuwe staatkundige bedeling in Suid-Afrika (1994) tot stand gekom het, bereid was om verskillende psigiese en politieke grense oor te steek om tot die staat se Grondhervormingsbeleid by te dra. Hulle word aangemoedig om in geloof en vertroue daarmee voort te gaan aangesien dit ooglopend en vanselfsprekend is dat die regering alleen, sonder privaatsektor-betrokkenheid, nie grondhervorming sal kan laat slaag nie.**

**4 Die Algemene Sinode besef ook met hartseer dat daar deur die boerderygemeenskap al tot dusver groot offers betaal is, wat juis ook blyk uit die ontstellende hoë gewelddadige sterftes (moorde) onder hierdie sektor van ons samelewing.**

**5 Die Algemene Sinode doen 'n beroep op die regering om alles in die stryd te werp om met 'n nuwe beleidsdokument oor Grondhervorming vorendag te kom – wat in terme van die waardes van die Grondwet (met spesifieke verwysing na Artikels 9 en 25) uitgewerk word tot bevrediging van al die partye betrokke.**

6 Die Algemene Sinode verseker ook die regering dat die kerk (ook in ekumeniese verband) sy volle samewerking sal gee in die formulering en uitvoering van 'n billike grondbeleid op grond van hierdie Grondwetlike waardes.

7 Die Algemene Sinode wil ook 'n duidelike getuienis teenoor die staat lewer oor *versoenende geregtigheid*. Dit beteken dat reg en geregtigheid ten opsigte van die regte en menswaardigheid van alle mense (wat dus vanselfsprekend die hele boerderygemeenskap insluit) tot uitvoering moet kom – en dat die kerk vanuit sy Godgegewe roeping ook die staat hiervoor verantwoordelik sal hou (Artikel 36 van die NGB).

8 Die Algemene Sinode doen ook 'n beroep op die regering (en sal dit skriftelik aan hom stel) dat die voedselsekureit van ons land, as 'n voorvereiste vir vrede, stabiliteit en voorspoed, nie verder gekompromitteer mag word nie – veral en juis gesien in die lig van die groot aantal voorheen produktiewe plase wat op 'n rampspoedige en onomkeerbare wyse uit die voedselketting verdwyn het.

9 Die Algemene Sinode is oortuig daarvan dat die onteining van kommersiële landbougrond (op watter wyse ookal gedoen) op sigself NIE die huidige ellende van 50% van Suid-Afrika se bevolking (wat blootgestel is aan die destruktiewe armoedekultuur waarin hulle noodgedwonge leef) gaan verbeter nie. Die teendeel kan eerder waar wees, aangesien kommersiële boerdery tans nog 'n groot verskaffer van werksgeleenthede is.

10 Die Algemene Sinode doen 'n beroep op al die strukture van die NG Kerk om 'n gebedsaksie rondom grondhervorming te loods waarin voorbidding vir alle betrokkenes gedoen word (nuwe begunstigdes, die kommersiële landbousektor en die regering).

11 Die Algemene Sinode versoek sy taakspan om die sake vervat in hierdie aanbevelings, tot die grootste mate moontlik, tot uitvoering te bestuur.

**HANDVES VIR GODSDIENSREGTE** (vgl Agenda A.12 bl 286 pt 5.1.7; Notule Dag 5 bl ...)

Die Algemene Sinode besluit dat die Handves van Godsdieneregte asook die A tot-Z-Beleid in die *Kerkorde* opgeneem word as funksionele besluite.

**HK VRAAG/ANTWOORD 80** (vgl Agenda A.10 Bylaag 1 bl 173 pt 10; T.10.1 pt 2.7; Notule Dag 5 bl ...) - goedgekeur

1 Die Algemene Sinode neem kennis van die feit dat die Rooms Katolieke Kerk die Roomse Mis anders verstaan as die verduideliking wat die Heidelbergse Kategismus, Vraag en Antwoord 80 gegee is en besluit om die gesprek hieroor met die Rooms Katolieke Kerk voort te sit.

2 Die Algemene Sinode bevestig dat daar ingrypende verskille tussen die gereformeerde verstaan van die Nagmaal en die Roomse verstaan van die Mis is.

3 Die Algemene Sinode besluit om langs gepaste weë oor hierdie saak met plaaslike lidkerke van die WGGK in gesprek te tree.

4 Die Algemene Sinode dra dit aan ATLAS op om die moontlikheid van 'n vereenvoudigde vertaling van die Heidelbergse Kategismus te ondersoek.

5 Die Algemene Sinode gee opdrag aan ATLAS om die onderlinge samehang van die doop en die Nagmaal in diepte te ondersoek.

**HUWELIK EN SAAMWOON** (vgl Agenda A.10 bl 204 pt 6; T.10.1 pt 2.8; Notule Dag 3 bl ...)

1. Die Algemene Sinode neem kennis van die verslag en spreek sy waardering uit vir die kommissie se eerlike poging om verantwoordelik met hierdie kontekstuele saak om te gaan.

2. Die Algemene Sinode besef dat die huwelik soos ons dit vandag ken die produk van eeue se ontwikkeling is. Daarom kan sommige huweliksgebruike soos in die Bybel beskryf, byvoorbeeld leviraatshuwelike en die vrou as besitting, nie sonder meer dien as riglyne vir hoe Christelike huwelike vandag behoort te wees nie.

3. Die Algemene Sinode erken dat saamwoonverhoudings (wat die seksuele insluit) vandag 'n werklikheid in die samelewing is. Daar is verskillende redes waarom mense saamwoon. Sommige mense woon saam omdat hulle seksuele eksklusiwiteit nie as 'n belangrike aspek van 'n verhouding beskou nie. Hierdie verhoudings is weens die nie-permanente en selfsugtige aard daarvan, eties onaanvaarbaar.

4. Die Algemene Sinode is bewus daarvan egter dat daar ander redes is waarom ander pare saamwoon. Sommige woon saam met die argument dat hulle die huwelik hoog ag en daarom seker wil maak dat hulle in alle opsigte by mekaar pas, ook wat die seksuele betref, voordat hulle trou. Hierdie verhoudings reflekteer in baie opsigte die Bybelse waardes van liefde, respek en eksklusiwiteit en kan dus nie sonder meer afgewys word nie.

5. Die Algemene Sinode is nogtans daarvan oortuig dat die historiese ontwikkeling van die huwelik in die Bybel en in die geskiedenis vir ons duidelike riglyne bied van wat 'n Christelike huwelik is: 'n vaste, formele ooreenkoms tussen twee persone van die teenoorgestelde geslag om hulle lewens in alle opsigte met mekaar te deel in 'n lewenslange verbintenis waarin seksualiteit 'n eksklusiewe karakter dra, geseën of bevestig deur die kerk, gesluit in die teenwoordigheid van getuies, sover as moontlik in die gemeenskap van gelowiges en verkieslik erken deur die staat as 'n wettige huwelik.

6. Die Algemene Sinode oordeel dat, in die lig van bostaande, gelowiges met reg die huwelik 'n gawe van God noem en dat seksuele gemeenskap buite so 'n vaste, formele ooreenkoms nie aan Christelike riglyne voldoen nie.
7. Die Algemene Sinode beskou die reëlings van mediese fondse en pensioenskemas wat voordele van mense ontnem wanneer hulle na die dood van 'n eggenoot/eggenote weer in die huwelik tree, as eties problematies en onderneem om nogeens met die betrokke owerhede hieroor in gesprek te tree.
8. Die Algemene Sinode wil mense wat in 'n etiese saamwoonverhouding leef en dus die Christelike norme vir die huwelik uitleef, aanmoedig om die verbintenis nog vaster te maak deur die kerklike en staatkundige aspekte ook in plek te kry.
9. Bostaande besluite word nie afsonderlik nie, maar deurgaans as 'n eenheid beskou oor die kerk se standpunt ten opsigte van die saamwoon van ongetroudes.
10. Die Algemene Sinode aanvaar dat al die implikasie rondom die bevestiging van 'n enkel kerklike huweliksverbintenis nog nie uitgeklaar is nie en daarom op hierdie stadium nie ten gunste van so 'n reëling nie.

#### **HUWELIK EN SAAMWOON: PASTORALE VERSORGING** (vgl Notule Dag 3 bl ....)

Die Sinode versoek leraars om in pastorale hantering van pare-in-verhouding, hulle met deernis te begelei van onvolledige verbintenisse na die omvattende, Bybelse verbintenis van die Christelike huwelik, en hierdie ideaal nooit af te water nie.

#### **HUWELIK: ROL EN PLEK** (vgl Notule Dag 3 bl ...)

1. Die Algemene sinode bevestig die plek en waarde van die Christelike huwelik in die kerk en die gemeenskap en motiveer leraars en lidmate om die duursaamheid daarvan te bevorder.
2. Die Algemene sinode versoek leraars en lidmate om gesonde huwelike aktief te bevorder en moeite te doen met huweliksvoorbereiding en huweliksverryking, omdat die idee en praktyk van huwelike verskraal het.
3. Die Algemene Sinode motiveer gemeentes om jaarliks op die tweede Sondag van Februarie wêreldhuweliksday te vier.

#### **HUWELIK EN SAAMWOON: OPDRAGTE** (vgl Notule Dag 3 bl ...)

1. Die Algemene Sinode verwys vir ondersoek na 'n kommissie die vraagstuk van die veranderende seksuele raamwerk en seksuele waardes van ons gemeenskappe.
2. Die Algemene Sinode word versoek om 'n huwelikskursus te ontwikkel wat aan die jeug en ander vrywillig bedien word in die jaar na belydenis aflegging. Die oorsprong van huweliksprobleme word dan aangespreek en word die simptome (soos saamwoon) voorkom. Tans is die leiding vir die huwelik nie voldoende nie en word voorbeelde van ouers en die media slaafs nagevolg.
3. Die Algemene Sinode gee opdrag aan die Moderamen om weë te soek waarin daar met die staat en ander rolspelers in gesprek getree word om wyses te vind waar daar nie teen persone gediskrimineer word op grond van die voortgaande voordele verbonde aan mediese fondse en pensioenskemas nie.

#### **JEUGBEDIENING** (vgl Agenda A.8 Bylaag 8 bl 127 pt 4.1; Notule Dag 2 bl ...)

1 Die Algemene Sinode word versoek om die bediening van die jeug as 'n prioriteit van die Algemene Sinode te aanvaar.

2 Indien Jeugbediening as 'n prioriteit aanvaar word, gee die Algemene Sinode opdrag dat 'n projekspan aangewys word wat aktuele jeugkwessies identifiseer en relevante tendense in jeugbediening navors om die kerk sodoende te adviseer om te verseker dat effektiewe jeugbediening plaasvind.

#### **JEUGBEDIENING** (vgl Notule Dag 2 bl ...)

Die Algemene Sinode word versoek om die bediening van die jeug (wat insluit studentebediening) as 'n prioriteit van die Algemene Sinode te aanvaar.

#### **JEUGBEDIENING: JEUGWERKERS** (vgl Agenda A.12 bl 282 pt 2.15; Notule Dag 2 bl ...)

Die Algemene Sinode neem kennis dat die ATR geen aanbeveling kan maak oor die opleiding en amptelike status van jeugwerkers nie.

#### **KATEGESE** (vgl Agenda A.8 Bylaag 9 bl 129 pt 4; Notule Dag 2 bl ...)

1 Die Algemene Sinode oorweeg Kategese as 'n prioriteit van die Algemene Sinode.

2 Indien Kategese as prioriteit aanvaar word, word 'n projekspan aangewys om navorsing te doen, voorligting te gee en eietydse, relevante materiaal en ander hulpmiddels binne die raam van die gereformeerde teologie en belydenisskrifte van die NG Kerk te ontwikkel

#### **KERK EN WETENSKAP** (vgl Agenda A.11 bl 212 pt 7.6.2; T.10.1 pt 2.6; Notule Dag 3 bl ...)

1 Die Algemene Sinode keur die hantering van die saak deur die ASM goed en neem kennis van die formulering as 'n standpunt-stuk van die ASM.

2 Die Algemene Sinode bedank graag alle wetenskaplikes, wat as Christene hulleself in die openbaar blootstel ter wille van hulle geloofsoortuigings, terwyl hulle as Christene met oorgawe as wetenskaplikes hulle professie uitoefen.

**KERKHERENIGING** (A.11 Bylaag 5 bl 246 pt 8.2; Notule Dag 4 bl ...)

Die Algemene Sinode besluit soos volg tov kerkhereniging:

### **KERKHERENIGING**

#### **1 Inleiding**

\* Ons is diep oortuig dat die Gees van God sy kerk lei om die eenheid van die kerk van Jesus Christus na te jaag. Daarom is ons hartseer en jammer omdat ons na baie jare se gesprekke oor kerkhereniging nog nie een nuwe kerkverband gevorm het nie. Terwyl daar faktore is wat die proses baie moeilik maak, is ons oortuig dat ons die verantwoordelikheid het om die proses hoopvol voort te sit.

\* Ons bevestig die belangrikheid van sigbare kerkeenheid en wil onself wy aan die vorming van een kerkverband as uitdrukking van die eenheid. Ons glo dat die versoening wat Jesus Christus bring ons help om ou breuke te heel en as volle familie van kerke byeen te kom. Ons glo ook dat 'n verdeelde kerk dit moeiliker maak om ons roeping uit te voer en dat ons ook nie ons verantwoordelikheid teenoor die Suider-Afrikaanse samelewing op so 'n manier nakom nie.

\* Ons pleit by die ander kerke van die NG Kerkfamilie vir 'n inklusiewe herenigingsproses waarin ons poog om sover moontlik almal wat deel is van ons familie saam te neem op die pad vorentoe.

\* Ons is verbind aan die VGKSA wat vir ons sê dat die Belharbelydenis vir hulle baie belangrik is en dat hulle dit deel wil maak van die nuwe verband. Ons is verbind aan die NGKA en die RCA wat vir ons sê dat hulle nie kans sien om Belhar volledig as belydenisskrif te onderskryf nie.

\* Ons erken dat daar in die NG Kerk baie gemeentes, predikante en lidmate is wat gereed is vir 'n hegte eenheid en graag Belhar onderskryf. Ons erken ook dat daar baie gemeentes, predikante en lidmate is wat gereed is vir 'n hegte eenheid maar om verskillende redes nie kans sien om Belhar as belydenisskrif te onderskryf nie.

\* Ons glo dat ons 'n verantwoordelikheid teenoor al hierdie groepe het. Ons is oortuig dit is moontlik om een te word in 'n "ruim huis" wat plek maak vir almal – insluitende ons verskille.

\* Ons is baie jammer oor die moontlikheid dat 'n belydenisskrif wat die eenheid van die kerk bely, die kerke uit mekaar kan hou.

\* Ons pleit by die familie van NG Kerke sowel as ons lidmate vir sigbare hereniging in 'n ruim en breë eenheid waarin ons die verskille wat oor die loop van tyd ontstaan het aanvaar, maar steeds oortuig is dat 'n hegte en sigbare eenheid deur Gees moontlik is. Die verskeidenheid wat volg uit verskillende gawes, ons geskiedenis en ook taal en kultuurverskille verruim en verryk ons sodat ons mekaar en die wêreld beter kan dien.

\* Ons sien die kerk en ook kerkhereniging as 'n organiese groeiproses wat beteken dat ons baie geduld en liefde met mekaar nodig het, maar altyd daaraan vashou dat die Gees kragtig is om meer te doen as wat ons dink of droom.

\* Ons bied die volgende voorstel aan die ander lede van die Familie aan as ons aanbeveling oor hoe ons mekaar kan ontmoet en 'n saam kan groei.

\* Ons hoop dat ons uitdrukking aan sigbare eenheid kan gee en een nuwe herenigde kerkverband kan vorm. Ons is oortuig dat dit tot eer van die Hoof van die kerk en tot die voordeel van al die kerke en lidmate van die Familie van NG Kerke sal wees.

#### **2 Verbintenis tot kerkhereniging**

Die NG Kerk herbevestig sy ernstige en duidelike verbintenis tot die herstel van een kerkverband met die ander drie kerke van die Familie, nl die VGKSA, die NGKA en die RCA. Hierdie verbintenis is gegrond in die oortuiging dat die Here dit van ons vra - ter wille van sy eer (Joh 17:23) en ter wille van ons gesamentlike roeping (Ef 4:4) en getuienis in Afrika – sodat die wêreld kan glo.

#### **3 'n Keuse om gou weer op gang te kom met die proses en saam te groei na groter eenheid**

3.1 Die NG Kerk is jammer dat die herenigingsproses so stadig vorder. Ons vertrou in die Here van die kerk gee ons egter hoop dat die proses kan voortgaan:

(1) Ons het 'n gedeelde geskiedenis en is diep onder die indruk van die feit dat al die kerke in die familie oortuig is dat ons bymekaar hoort;

(2) Al die kerke aanvaar reeds die Drie Formuliere van Eenheid as 'n gemeenskaplike belydenisbasis.

(3) Die Algemene Sinode het reeds in 1998 gesê dat hy die wesenlike inhoud van die Belharbelydenis aanvaar.

(4) Daar bestaan in baie gemeentes, ringe en sinode reeds baie goeie samewerkingsverbande en strukture en op sommige plekke is daar reeds eenheidsstrukture opgerig.

(5) Lidmate in die familie van NG Kerke gee uitdrukking aan die feit dat geloof die enigste voorwaarde vir lidmaatskap is deur oor en weer deel van kerke in die familie te word.

(6) Die moratorium van die VGKSA skep probleme vir die proses. Ons vertrou dat hulle dit op grond van die gees van die Belydenis van Belhar by hulle eersvolgende Algemene Sinode sal ophef.

3.2 Ons is diep oortuig dat die vordering wat wel gemaak is, ons gedeelde geloof en tradisie en veral die onbepaalde moontlikhede wat die Gees skep, die moontlikheid bied om met nuwe energie en toewyding te werk aan sigbare eenheid. Ons is oortuig dat ons baie moeite moet doen om die hindernisse uit die weg te ruim en sodat sigbare eenheid as kosbare gawe nagejaag kan word.

3.3 Ons glo dat ons so 'n pad nie alleen aanpak nie. Die getuigenis van ander wat die pad reeds geloop het, help ons om ons vertrou te stel op die versoerende krag van die evangelie van Christus en die werking van die Gees wat ons steeds nader aan mekaar bring en ons laat groei in ons liefde en begrip vir mekaar.

#### **4 'n Pad wat baie geduld, begrip en tegemoetkoming van almal vra**

Die geskiedenis en ervaring van ander gereformeerde kerke leer ons dat verenigingsprosesse tussen kerke nooit eenvoudig is nie. Dit vra van alle betrokkenes gehoorsaamheid, geestelike toewyding, geduld, liefde en veral tegemoetkoming. Dit beteken onder meer dat ons moet onderskei om mekaar te vind en bereid moet wees om ter wille van 'n geloofsaak op te offer. Liefde beteken ons sal rekening hou met vrae en onsekerheid wat mense het en dit onderskeidend met groot geduld en sensitiwiteit hanteer.

#### **5 Die Belydenis van Belhar (en Laudiumdeklarasië)**

5.1 Ons is na ons konsultasieprosesse deeglik bewus daarvan dat

(a) 'n Groot deel van die gemeentes en lidmate van die NG Kerk weens 'n verskeidenheid faktore nie die Belydenis van Belhar as vierde belydenisskrif wil aanvaar nie. Dit is baie belangrik dat ons oor al hierdie faktore sal praat sodat ons nie "by die verlede stilstaan nie" (Jes 43:18), maar saam kan fokus op ons roeping vandag en in die toekoms. Ons verbind onself hiertoe (vgl AS Besluit 2004).

(b) hierdie verskille kan oorbrug word deur 'n deeglike studie te maak van Belhar self.

5.2 Soos ooreengekom met die Taakspan van die WBGK (nou die WGGK) is ons verbind om dmv 'n gesamentlike taakspan met die VGKSA weer deeglik te besin oor hoe ons *saam in beide kerke* met mekaar oor hierdie Belydenis kan praat.

5.3 Ons is steeds oortuig dat die wesenlike inhoud van die Belydenis van Belhar (ons verbintenis aan die Bybelse getuigenis oor God Drie-enig, oor die eenheid van die kerk, oor geregtigheid en versoening) baie wyd aanvaar word (vgl AS besluit 1998).

5.4 Omdat die Belharbelydenis 'n belydenisskrif van een van die Familiekerke is, stel ons voor dat dit as een van die belydenisskrifte in die herestelde kerkverband opgeneem word. Dit impliseer nie dat alle gemeentes, predikante, kerkraadslede en lidmate van die nuwe verband dit vanselfsprekend as belydenisskrif hoef te aanvaar nie.

5.5 Die volgende formulering van die belydenisgrondslag (met inagneming van pt 5.4) vir 'n herenigde kerk word aanvaar as basis vir onderhandeling met die familie van NG Kerke:

*1. Die leer wat die Kerk in ooreenstemming met die Woord van God bely, geskied in gemeenskap met die belydenis van ons voorgeslagte soos dit verwoord is in*

*1.1 die Apostoliese Geloofsbelydenis, die Geloofsbelydenis van Nicea en die Geloofsbelydenis van Athanasius waardeur die Kerk haar verbondenheid met die algemene christelike Kerk uitdruk, en*

*1.2 die Heidelbergse Kategismus, die Nederlandse Geloofsbelydenis en die Dordtse Leerreëls waardeur die Kerk haar verbondenheid met die gereformeerde tradisie uitdruk.*

*2. In verbondenheid met ons eie konteks erken ons die Belydenis van Belhar.*

*3. Die Kerk erken die betekenis van die Laudiumdeklarasië vir ons missionêre karakter.*

*4. Die Kerk aanvaar dat die taak van die kerk in belydenisvorming nie afgehandel is nie. In die toekoms mag veranderde omstandighede en 'n beter verstaan van die Woord van God lei tot die aanvaarding van verdere belydenisskrifte of die wysiging van bestaande belydenisskrifte.*

#### **6 Model: 'n verenigde kerkverband van selfstandige plaaslike gemeentes**

6.1 Ons besluit dat die presbiteriaal-sinodale kerkregeringstelsel as model vir die organisering van die nuwe een kerkverband gebruik word. Dit beteken dat al die gemeentes as selfstandige gemeentes ingevoeg word in ringe, sinodes en een algemene sinode.

6.2 In die proses moet ruimte gelaat word vir onderhandeling, nuwe moontlikhede en 'n groei na mekaar en samevoeging van gemeentes.

#### **7 Gemeentes se reg om hul oor hul eie werk te besluit, word erken**

Al die bestaande gemeentes van die verenigde verband sal so behoue bly en almal saam die gemeentes van die nuwe verband wees. Gemeentes is onderling oop vir bywoning en lidmaatskap. Waar meer as een gemeente in dieselfde gebied val, staan dit gemeentes vry om hulle onderlinge sake en samestelling spontaan en sonder voorskrif of dwang te reël volgens plaaslike behoeftes. Kerkrade funksioneer binne die gereformeerde aard in terme van hulle besluitnemingsbevoegdheid oor gemeentes.

#### **8 Ander kwessies word gedurende die proses onderhandel**

Daar is 'n aantal sake waarvoor saam onderhandel moet word as die voorbereidende proses aan die gang kom. Dit sluit in die skryf van 'n nuwe kerkorde, die naam van die kerk, teologiese opleiding, organisasie van kerklike werksaamhede, finansies en eiendomme, taal, ens. Ons is bewus daarvan dat van hierdie sake baie sensitief en emosioneel van aard is en dat die onderhandelings hieroor met baie wysheid, oorleg en sensitiwiteit hanteer sal moet word. Tog is ons van oordeel dat meningsverskille oor hierdie meer praktiese sake nie in die pad van spoedige kerkhereniging behoort te staan nie.

## **9 Wesenlike rol van gesamentlike gesprek en besinning op alle vlakke asook fasiliteringshulp van buite**

9.1 Ons glo dat die proses van kerkhereniging indringende gesprekke en begeleiding op alle vlakke gaan vra - veral ook op grondvlak met gemeentes en lidmate. Ons verbind onself tot hierdie gesprekke en oordeel dat dit 'n groot wins gaan wees as van hierdie gesprekke ook saam gevoer kan word. Ons is oortuig dat dit die proses sal aanhelp as die gesprekke oor eenheid gevoer word in die lig van ons gesamentlike roeping in ons lande en ons gesamentlike geloof in die evangelie.

9.2 Ons is intens bewus van die huidige onvermoë van die gespreksvennote om self die gesprekke weer op dreef en die onderhandelinge aan die gang te kry. Ons is dankbaar vir die hulp van die WGGK en in besonder die fasiliteerder dr Jerry Pillay. Ons bevestig ons volledige verbintenis en samewerking tot die fasiliteringsproses.

## **10 Kerkskeuring moet ten alle koste probeer vermy word**

Ons spreek die oortuiging uit dat ons in die herstel van een kerkverband kerkskeuring moet vermy. Dit het te dikwels gebeur - ook in ons gereformeerde tradisie - dat kerkverenigingsprosesse aanleiding gegee het tot kerkskeuring, die vorming van nuwe kerke en nuwe twiste. Ons sal die proses so wil hanteer dat alle predikante, gemeentes en lidmate van die kerke saam hierdie pad aanpak.

## **11 Versoening**

11.1 Ons erken dat onversoende kerke en kerkleiers deel van die stadige vordering is.

11.2 Die hofsake tussen die NGKA en die VGKSA is 'n bron van groot kommer. Ons sal graag 'n konstruktiewe rol wil speel om die spanninge op te los.

11.3 In die fasiliteringsgesprekke is daar ook gesprekke aan die gang oor herstellende geregtigheid. Ons is ook verbind om deel van die gesprekke te wees en 'n oplossing te vind.

11.4 Ons is oortuig dat 'n kerklike waarheids- en versoeningsproses in die familie van NG Kerke ons gaan help om die kerkherenigingsprosesse te laat vorder. Ons wil graag met die Familie hieroor gesprek voer.

## **12 Die byeenbring van alle gereformeerde kerke**

Ons spreek die hoop uit dat die hereniging van die familie 'n tree sal wees op pad na die byeenbring van alle kerke van gereformeerde belydenis in SA.

## **13 Raadpleging van gemeentes**

13.1 Gemeentes is na die 2007 Algemene Sinode geraadpleeg oor die Achterbergh-voorstelle. Ons wil dit duidelik stel dat dit nie 'n stemming of kwantitatiewe meningspeiling was nie. Ons het die water in 'n raadplegende proses getoets.

13.2 Die Algemene Sinode is verbind om ons gemeentes te raadpleeg en mettertyd te toets. Die kerkverband moet hierdie pad saam kan loop. Dit vra vir 'n proses waarin ons vorentoe beweeg maar mekaar ook in liefde en respek hanteer.

## **14 Proses verder**

14.1 Die besluite van die Algemene Sinode 2011 oor die herstel van een kerkverband in die NG Kerkfamilie het die *status van beleidsbesluite* vir gebruik in die verdere verloop van die gesprek met hierdie familie.

14.2 Hierdie besluite word deurgegee na die sinodes, kerkrade en gemeentes vir kommentaar en verdere aanbevelings. Die verdere gesprekke met kerkrade en gemeentes is die verantwoordelikheid van elke sinode / sinodale kommissie / sinodale diensraad / moderamen en word in oorleg met die Moderamen van die Algemene Sinode (plus ander kundiges) as die lede van die taakspan vir kerkhereniging. Die gesprekke gaan oor die volgende:

14.2.1 Die besluite oor kerkhereniging van die Algemene Sinode 2011;

14.2.2 Die praktiese implikasies van elemente van die proses soos gevisualiseer in hierdie besluite plus die bepalings van Die Kerkorde (onder andere Artikel 36, 37 en 44) en die Algemene Sinode se besluit oor 'n moontlike konsensus of 'n tweederdemeerderheid van kerkrade (in 1998 en 2002).

14.3 Daar word onderskeidend te werk gegaan na afhandeling van hierdie gesprekke. Die NG Kerkfamilie is, sover moontlik, deel van die onderskeidingsproses.

14.4 Die besluite van die Algemene Sinode 2011 word in beide bilaterale gesprekke asook gesamentlike gesprekke met die kerke van die NG Kerkfamilie bespreek.

14.5 Die toetsing van kerkrade en sinodes oor "finale" of eindvoorstelle vir die herstel van hierdie verband word gelaat totdat 'n behoorlike proses van gesprekke met sinodes en gemeentes na die oordeel van die Algemene Sinode of die Moderamen van die Algemene Sinode plaasgevind het.

14.6 Werklike kerkeenheid staan of val by die wyse waarop dit op rings- en gemeentevlak sigbaar word. Daarom moet ringe/ gemeentes gemotiveer en konkreet gehelp word om na gelang van hulle plaaslike omstandighede met die ander ringe/ gemeentes van die NG Kerkfamilie in hulle omgewing, asook binne ander samewerkingstrukture, daadwerklik saam te werk asook eenheidstrukture te vestig. Aangesien hierdie 'n saak is wat binne die hele kerkverband belangrik is, is dit 'n dringende prioriteit wat die Moderamen in samewerking met en deur sinodes en ringe moet hanteer.

### **15 Approbasie by kerkeenheid**

15.1 Die Algemene Sinode besluit soos volg oor die wyses waarop die instemming van en approbasie deur die gemeente verkry kan word by die voorgestelde wysiging van die belydenisgrondslag van die NG Kerk en/of die voorgestelde wysiging van die kerkverband by moontlike eenwording van die Familie van NG Kerke:

15.1.1. Voeg die volgende voetnota by Kerkorde Art 44.1 “Vir die wyse waarop die besluit van Kerkrade oor die verandering van die belydenisgrondslag van die NG Kerk hanteer word ten einde die instemming en approbasie van gemeentes met die besluit te verkry, sien *Kerkorde Regl 6: 6*”

15.1.2. Verander die opskrif van KO Reglement 6 om te lees: “Reglement vir die Vermeerdering, Kombinasie, Eenwording en Samesmelting van gemeentes, en vir die Vorming van 'n nuwe Kerkverband.”

15.1.3. Voeg 'n nuwe pt 6 by *Kerkorde Reglement 6*, met die opskrif “Die Vorming van 'n Nuwe Kerkverband”.

15.1.4. Die nuwe Reglement 6: 6 lees soos volg:

*“6.1 Die kerkraad lê sy voorstel oor die wysiging/handhawing van die belydenis/kerkverband éérs aan die gemeente voor vir die instemming van die belydende lidmate. Nadat die instemming van twee derdes van die lidmate verkry is, finaliseer die Kerkraad sy besluit met 'n tweederdemeerderheid, waarna die finale besluit wéér op twee agtereenvolgende Sondae aan die gemeente vir approbasie voorgelê word.*

*6.2 Die Kerkraad besluit om die instemming van die gemeente soos in 6.1 hierbo genoem, op een van die volgende twee wyses te verkry:*

*6.2.1 Die instemming van belydende lidmate word per geslote stembrief verkry tydens 'n gemeentevergadering wat die kerkraad met die belydende lidmate van die gemeente belê het en waarvan daar by die erediens(te) op vier agtereenvolgende Sondae vooraf kennis gegee is van beide die vergaderdatum en die inhoud van die voorstel. By hierdie vergadering is twee waarnemers deur die ring/sy gevolmagtigde kommissie aangewys, teenwoordig. Die voorsitter en skriba van die kerkraad tree op as ampsdraers van hierdie vergadering.*

*6.2.1.1 Lidmate wat 'n wettige verskoning het waarom hulle nie die betrokke gemeentevergadering kan bywoon nie, kan hul stem vooraf per geslote stembrief uitbring. Hierdie stemme word getel nadat die stemming op die gemeentevergadering uitgebring is.*

*6.2.2 Die instemming van belydende lidmate word per geslote stembrief verkry wat persoonlik en sonder enige stemwerwing deur die kerkraad aan elke ongesensureerde belydende lidmaat van die gemeente beskikbaar gestel word. Minstens 14 (veertien) dae moet na ontvangs toegelaat word vir die inhandiging van die stembrief.*

*6.2.2.1 Dit is die lidmaat se verantwoordelikheid om toe te sien dat die voltooië stembrief die kerkkantoor van die gemeente voor of op die sperdatum bereik. Die stemtelling vind plaas in die teenwoordigheid van twee waarnemers deur die ring/sy gevolmagtigde kommissie aangewys.*

*6.3 Die tweederdemeerderheid van die gemeente se instemming word bepaal deur die getal uitgebragte stemme.*

*6.4 Die kerkraad kan met lidmate en die kerkverband kan met gemeentes wat in die minderheid gestem het en wat nie bereid is om deel te word van die nuwe kerkverband nie, onderhandel oor billike kompensering.*

*6.5 Die kerkraad stel deurgaans alle pogings in werking om kerkskeuring te voorkom.”*

15.2 Twee derdes van alle kerkrade moet hierdie geapprobeerde besluit verkry.

15.3 Elke sinode moet dan met 'n tweederdemeerderheid tot kerkeenheid besluit.

15.4 Nadat elke sinode afsonderlik met 'n tweederdemeerderheid ten gunste daarvan besluit het, moet die Algemene Sinode dit ook met 'n tweederdemeerderheid aanvaar (Art 43 en 44).

### **16 Sinodevorming**

Aangesien strukturele eenheid op Algemene Sinodale vlak noodwendig 'n langsame proses is, kan sinodes wat daarvoor gereed is, wel struktureel met mekaar verenig as sinodes sonder om die bestaande kerkverbande prys te gee. Die bedoeling hiermee is ook om die herenigingsproses op Algemene Sinodale vlak te bevorder.

**KERKHERENIGING: NG KERK, NGKA EN RCA** (vgl Agenda A.11 Bylaag 5 bl 242 pt 4.4; T.12.2 pt 8.2.2; Notule Dag 5 bl ...)



Die TRK beveel aan dat indien die voorstel van die Moderamen rakende die hereniging met die NGKA en RCA goedgekeur word, die Algemene Sinode opdrag gee aan die ATR om regsadvies in te win om die Algemene Sinode te adviseer oor die implementering daarvan op die pad vorentoe.

**KERKHERENIGINGSPROSESSE TUSSEN DIE NG KERK, NGKA EN DIE RCA** (vgl Agenda A.11 Bylaag 5 bl 242 pt 4.4; T.11.1 pt 4.4; Notule Dag 4 bl ...)

Die Algemene Sinode neem instemmend en met groot dankbaarheid kennis van die versoek van RCA/NGKA, máár ook van die VGKSA se versoek om hierdie herenigingstree met groot wysheid en versigtigheid te gee. Ten einde nie met 'n kortpad die VGKSA te vervreem nie maar ook nie die RCA/NGKA-versoek te negeer nie, verwys die Algemene Sinode die voorstel na die bemiddelingsproses olv die WGGK.

**KERKHERENIGING EN HOFSAKE** (vgl Notule Dag 4 bl ...)

1. Die Algemene Sinode neem met hartseer kennis van die destruktiewe impak wat jare se hofsake op die wese van die kerk gelaat het.
2. Die Algemene Sinode bevestig dat ons in ons wese 'n kerk is wat teokraties/ Christokraties funksioneer - wat altyd wil vra na Christus se Hoofskap oor ons.
3. Die Algemene Sinode dra dit aan die ATR op om alle moontlike weë te ondersoek om dit weer vir die kerk moontlik te maak om reg te laat geskied aan die regering van Christus, deur kerkorde wysigings en ander aksies, selfs regsprosesse, wat die impak, in 2.5.1 beskryf, omkeer.

**KERKHERENIGING: REGSADVIES** (vgl Agenda A.12 bl 271 pt 2.6.1; Notule Dag 5 bl ...)

Die vergadering neem kennis dat die ATR uitvoering aan hierdie opdrag gegee het in sy hersiening van *Kerkorde Art 44 en Regl 6: 6*.

**KERKORDE: WYSIGINGE** (vgl Agenda A.12 bl 286 pt 5.1.1; Notule Dag 5 bl ...)

Die Algemene Sinode keur die reëling van die ATR goed dat persone wat wysiginge aan die Kerkorde wil bespreek die Tydelike Regskommissie voor die behandeling van die ATR-verslag ontmoet.

**KERKORDE: HERSIENING** (vgl Agenda A.12 bl 286 pt 5; Notule Dag 5 bl ...)

**KERKORDE: HERSIENING VAN BESLUIT BY ART 70** (vgl T.12.3 pt 5.3.1; Notule Dag 5 bl ..)

Die Algemene Sinode verwys die hersiening van die besluit by Artikel 70 na die ATR.

**KLEIN GEMEENTES** (vgl Agenda A.8 Bylaag 12 bl 160 pt 8; Notule Dag 2 bl ...)

- 1 Die Algemene Sinode word versoek om 'n navorsingsprojek oor klein gemeentes as prioriteit te aanvaar.
- 2 Indien dit as prioriteit aanvaar word, word 'n Netwerk vir Klein Gemeentes in die lewe geroep met die opdrag om as gespreksforum vir klein gemeentes te dien, vitaliteit in klein gemeentes te bevorder, studie oor hierdie onderwerp te stimuleer en studieresultate in die kerklike lewe te integreer. Die Netwerk nooi ook die Familie van NG Kerk en ander Gereformeerde kerke uit om aan die gesprek deel te neem.
- 3 Die Algemene Sinode keur die beginsel van afstandsonderrig vir tweedeloopbaanpredikante goed. ATTO word getaak om hierdie besluit te implementeer volgens die *Theological Education by Extension*-model.

**KONSTITUERING** (vgl T.12.1 pt 1.1.1; Notule Dag 1 bl ...)

- 1 Die TRK beveel die onderstaande Kerkordewysigings aan as ordevoorstel ter aanvang van die vergadering (met konstituering) van die Algemene Sinode aan.
- 2 Die AS keur die wysiginge van die Kerkorde Artikels 39, 40, 41 goed en besluit dat dit onmiddelik van krag is.
- 3 Die AS besluit dat die aanbeveling vir die wysiging van die Kerkorde Artikels 40.2 en 40.3 ontstaan tot by hantering van verslag van Moderamen (Bylaag 1).

#### **Artikel 39**

Die Moderatuur van die Algemene Sinode, bestaande uit 'n moderator, 'n assessor, 'n aktuaris en 'n addisionele lid, lei die Sinode (Artikel 25). Die algemene sekretaris tree op as skriba van die vergadering, met adviserende stem.

#### **Artikel 40**

40.1 Ter aanvang van die Algemene Sinode word 'n Moderatuur verkies vir die duur van die vergadering.

#### **Artikel 41**

Die afgevaardigde leraar met die langste diens wat die oudste in jare is, open die vergadering en gaan voor totdat die moderator gekies is. Die algemene sekretaris help met die konstituering van die vergadering en die verkiesing van die moderator.

**LIDMAATBEMAGTIGING** (vgl Agenda A.8 Bylaag 3 bl 114 pt 7.10)

1 Die Algemene Sinode versoek dat lidmaatbemagting as 'n prioriteit oorweeg word en dat Rimpels as 'n projek voortgesit word.

2 Die Algemene Sinode versoek dat 'n projekspan saamgestel word wat 'n behoeftebepaling doen rondom watter materiaal nodig is vir die toerusting en begeleiding van volwasse lidmate.

**LIDMAATBEMAGTIGING** (vgl Agenda A.12 bl 282 pt 2.16.1; Notule Dag 5 bl ...)

Die vergadering neem kennis dat die ATR uitvoering aan hierdie opdrag gegee het in sy hersiening van *Kerkorde* Art 55.

**MEDIA: DIE BEDRYF VAN KERKLIKE MEDIA** (vgl A.9 bl 166 pt 16; A.11 bl 210 pt 6.2.3; Notule Dag 5 bl ...)

Die Algemene Sinode voeg die volgende besluit oor die bedryf van die Kerklike Media in die *Kerkorde* in as deel van die Funksionele Besluite:

### DIE BEDRYF VAN KERKLIKE MEDIA

#### 1 INLEIDING

Die Bybel-Media Groep van Maatskappye ("die Groep") hanteer die bedryf van kerklike media.

#### 2 ORGANISASIE

2.1 Die Groep bestaan uit die volgende Artikel 21-maatskappye: Bybel-Media, Bybel-Media Handel en die Tydskriftemaatskappy van die NG Kerk.

2.2 Die ledevergaderings van die Groep het dieselfde personeel as die personeel van die Moderamen van die Algemene Sinode van die NG Kerk en wys op aanbeveling van die uittredende direksies die lede van die onderskeie direksies aan. Die ledevergaderings konstitueer afsonderlik ooreenkomstig die statute van die onderskeie maatskappye.

2.3 Die ledevergaderings van die Groep sal so gou as moontlik ná elke gewone sitting van die Algemene Sinode die lede van die direksies van die Groep aanwys. Die direksies word saamgestel soos wat die aktes en statute van die onderskeie Artikel 21-maatskappye bepaal. Lede sal kollektief oor bewese kundigheid beskik ten opsigte van mediabehoefte en mediabeleid asook van die bestuur en finansies van die mediabedryf.

2.4 Ander persone wat by die kerklike media-aktiwiteite of kommunikasie-aktiwiteite betrokke is, kan op uitnodiging direksievergaderings bywoon.

#### 3 OPDRAG

Die Direksies

3.1 voer hulle opdrag uit ooreenkomstig die bepalinge van die aktes en statute van die onderskeie Artikel 21-maatskappye van die Groep;

3.2 streef daarna dat die evangelie in sy volle omvang en toegepas op alle lewensbehoefte aan almal gebring word deur gebruikmaking van geskikte media;

3.3 verseker dat hierdie bediening op 'n doeltreffende, ekonomiese en ekumeniese wyse plaasvind;

3.4 sal strategieë daarstel om met die kerkverband in gesprek te wees oor mediabehoefte;

3.5 toesien dat doeltreffende kanale vir die kommunikasie van kerklike inligting beskikbaar is;

3.6 doen aan die ledevergadering verslag oor die stand van die kerklike mediabediening;

3.7 stel die uitvoerende hoof van die Groep en die redakteur van die amptelike lyfblad van die NG Kerk aan, ná advies van die Moderamen tov die kortlys van benoemdes vir die onderskeie poste.

3.8 Die redakteur van die amptelike lyfblad is 'n funksionaris binne die Groep wat aan die uitvoerende hoof van die Groep rapporteer, en moet oor uitstekende joernalistieke vaardigheid beskik. As funksionaris woon die redakteur in 'n verslaggewerskapasiteit ook vergaderings van die Moderamen van die Algemene Sinode by.

**MEDIA: ONDERSTEUNING VAN BYBEL-MEDIA** (vgl A.9 bl 166 pt 16.2; Notule Dag 5 bl ...)

Die Algemene Sinode dra sy dank en waardering oor aan al die donateurs uit gemeentes en kerkrade wat met bydraes en donasies die kerklike mediabediening van Bybel-Media gereeld ondersteun en moontlik maak. Kerkrade word opgeroep om jaarliks 'n spesiale kollekte vir dié doel te oorweeg.

**MENSWAARDIGHEID** (vgl Agenda A.11 Bylaag 4 bl 237 pte 12.1-12.6; Notule Dag 4 bl ...) (Kyk ook by Diversiteit)

1. Die Algemene Sinode oordeel dat menswaardigheid 'n kernwaarde van die Evangelie is.

2. Die Algemene Sinode dra dit aan die moderamen op om 'n taakspan vir menswaardigheid te benoem om die ASM op kontinue wyse te adviseer oor die hantering/bestuur van hierdie kernwaarde. Die taakspan moet ook adviseer tov navorsing oor 'n verantwoordelike antropologie vir die kerkverband.

**MISSIONALE EKKLESIOLOGIE** (vgl Agenda A.8 Bylaag 10 bl 141 pt 20.1; Notule Dag 2 bl ...; Notule Dag 5 bl ...; T.5.1 pt 2)

Die Algemene Sinode besluit dat aanbeveling 20.1 van die Verslag oor 'n Missionale Ekklesiologie (Agenda bladsy 141) soos volg gewysig word: Die Algemene Sinode aanvaar hierdie dokument as deel van die NG Kerk se gesprek oor 'n missionale ekklesiologie.

**MISSIONALE EKKLESIOLOGIE** (vgl Agenda A.5 bl 58 pt 5.2.2; Notule Dag 2 bl ..., Notule Dag 5 bl ...; T.5.1 pt 3)

Die Algemene Sinode besluit dat aanbeveling 15.2.2 van die ADD verslag (Agenda bl 58) soos volg gewysig word:

15.2.2 die samevoeging van die verskillende studiestukke rakende 'n missionale ekklesiologie, insluitend studiestukke oor die kerk en die konteks, evangelisasie en diversiteit in een dokument wat as 'n raamwerk die kerk in al haar verbande (Algemene Sinode, sinodes, ringe en gemeentes) sal dien. Hierdie dokument moet nie net 'n teologiese besinning wees nie, maar ook riglyne vir die praktyk bevat.

**MISSIONALE EKKLESIOLOGIE** (vgl Agenda A.8 Bylaag 10 bl 141 pt 20; T.12.2 pt 6.7; Notule Dag 5 bl ...)

Die Algemene Sinode besluit:

1 om nie Kerkorde Artikel 1 te wysig nie omrede dié artikel die grondslag van die NG Kerk omskryf nie en nie die roeping nie. Die voorgestelde wysigings is reeds in ander artikels van die Kerkorde vervat.

2 om nie die ADGO se wysiging van Artikel 9 goed te keur nie.

3 om die wysiging van Artikel 9 soos voorgestel deur die ATR, goed te keur (Agenda bl 287)

4 om die voorgestelde gewysigde Kerkorde Artikel 10 (soos aanbeveel deur die ATR – Agenda bl 287) goed te keur en dat die voorstel van ADGO nie goedgekeur word nie.

5 om die wysiging aan Kerkorde Artikel 16 soos voorgestel deur die ATR (Agenda bl 288) goed te keur met invoeging van die woord “onderskeiding,” voor “versorging”, sodat Artikel 16 soos volg lui: “16.1 Die amp of bediening van die ouderling is gerig op geestelike onderskeiding, versorging, leiding, bestuur en toesig en omvat: ...”

**MISSIONALE EKKLESIOLOGIE** (Notule Dag 2 bl ....)

Vervang 7.5 van bl 135 met:

Die Kerk gaan nie op in formele strukture, ampte, geboue, ordes of aktiwiteite nie. Die Kerk is tegelyk ook instelling én organisme, strukture én diens. Vanuit die NT perspektief is alle gelowiges voltydse verteenwoordigers van Christus op elke plek waar hulle hulleself bevind. Kerkwees gebeur daarom binne elke lewensfeer. In die erediens word gemeenskap met die lewende God beoefen en so rus die Here ons toe om Christus se voltydse gestuurdes te wees.

**MISSIONALE EKKLESIOLOGIE: EKKLESIOLOGIESE GESPREKSDOKUMENT**(vgl Agenda A.12 bl 269 pt 2.1.1; Notule Dag 5 bl ...)

Die Algemene Sinode neem kennis dat daar geen kerkordelike wysiginge op grond van die dokument aanbeveel word nie.

**MODERATUUR: VERKIESING VAN** (vgl Agenda A.12 bl 284 pt 2.23; Notule Dag 1 bl ...)

Die Algemene Sinode neem kennis dat die ATR die opdrag uitgevoer het en die saak afgehandel het met die hersiening van die *Kerkorde*.

**MODERATUUR: VERKIESING VAN** (vgl by Konstituering)

**NAVORSING** (vgl Agenda A.11 Bylaag 8 bl 268 pt 6; Notule Dag 5 bl ...)

Die Algemene Sinode

1 bevestig dat navorsing onontbeerlik vir die werksaamhede van die kerk is

2 versoek die Moderamen om 'n Taakspan: Navorsing aan te wys wat navorsing in die Algemene Sinodale sisteem, insluitend navorsing wat na ander instellings soos ISWEN uitgekonnekteer word, moet koördineer

3 versoek die Moderamen om 'n begroting vir die funksionering van die Taakspan beskikbaar te stel

4 versoek die Moderamen om jaarliks vir navorsingsprojekte wat in lyn is met die gestelde prioriteite te begroot.

**NUWE BEDIENINGSONTWIKKELING/ NUWE GEMEENTE-ONTWIKKELING** (vgl Agenda A.8 Bylaag 5 bl 120 pt 6; Notule Dag 2 bl ....)

1 Die Algemene Sinode aanvaar dat die saak van Nuwe Bedieningsontwikkeling (NBO) / Nuwe Gemeente-ontwikkeling (NGO) belangrik is en daarom as 'n prioriteit oorweeg word.

2 Die Sinode oorweeg die ontwikkeling van motiverings- en oriënteringsmateriaal, wat in sinodes en gemeentes gebruik kan word, as 'n prioriteit.

3 Die Sinode herbevestig sy besluit van 2007 en versoek ATTO om toe te sien dat die saak van NBO/ NGO die nodige aandag in die kurrikula van die verskillende teologiese fakulteite kry.

4 Die Sinode versoek dat die verskillende VBO-sentrums (Stellenbosch, Bloemfontein, Pretoria) prioriteit sal verleen aan die opleiding en toerusting van leraars en lidmate vir die saak van NBO/ NGO.

5 Die Sinode bevorder die saak van Nuwe Bedieningsontwikkeling (NBO) / Nuwe Gemeente Ontwikkeling (NGO) met as riglyn goeie verhoudinge met die naaste plaaslike gemeente, die Ring en /of Sinode, sodat dit die eenheid van die Kerk sal dien en die uitbreiding van die Koninkryk van God bevorder.

**NUWE GEMEENTE-ONTWIKKELING** (vgl Agenda A.12 bl 269 pt 2.2.1; Notule Dag 5 bl ...)

Die vergadering neem kennis dat die ATR uitvoering aan hierdie opdrag gegee het in sy hersiening van

## **Kerkorde Reglement 6.**

**OFFERGAWE** (vgl Notule Dag 5 bl ...)

Ons bly en eet baie lekker en is dankbaar vir die seën van die Here. Die Algemene Sinode kan 'n verskil maak in die lewe van minderbevoorges in die omgewing waar ons die sitting hou deur 'n offergawe te gee. Dit kan geskenk word aan 'n verdienstelike organisasie soos aangewys deur die Sinode van Wes-Transvaal.

**ONDERWYS** (vgl Agenda A.11 Bylaag 2 bl 222 pt 3; Notule Dag 4 bl ...)

1 Die Algemene Sinode verklaar dat die NG Kerk verbind is tot uitnemende onderwys op alle vlakke. Sinodes, ringe en gemeentes word opgeroep om daadwerklik en positief betrokke te raak by onderwys deur skole en ander onderwysinstitusies op welke moontlike vlak te ondersteun.

2 Die Algemene Sinode gee opdrag aan 'n taakspan om die kerkverband oor die onderwys te adviseer. Hulle moet onder andere die volgende sake oorweeg:

2.1 'n program wat deur gemeentes gebruik kan word om betrokke te raak by skole;

2.2 'n afrondingsjaar as alternatief vir bestaande moontlikhede;

2.3 moontlikhede rondom die aanwending van jeugwerkers in skole;

2.4 in watter mate die Hugenote Kollege en soortgelyke sentra ten beste aangewend kan word vir die onderwys.

3 Die Algemene Sinode is verder verbind daartoe om as deel van die NG Kerk se publieke getuienis 'n aktiewe rolspeler in die openbare gesprek oor die onderwys te wees.

**ONDERWYS** (Verhelderingsgesprek oor die kerk en ons konteks: onderwys; Notule Dag 4 bl ...)

Die Algemene Sinode word versoek om 'n hoë prioriteit aan aanbevelings 3.1 – 3.3 van die verslag *Die rol van die NG Kerk in die Onderwys (Moderamen Bylae 2 bladsy 220)* toe te ken die Moderamen te versoek om toe te sien dat die sake genoem in aanbeveling 3.2 dadelik aandag kry.

**PREDIKANTEBEGELEIDING** (vgl Agenda A.8 Bylaag 1 bl 82 pt 3)

1 Die Algemene Sinode besluit dat predikantebegeleiding, in lyn met die strukturering van die Algemene Sinode se werk, 'n saak is wat as prioriteit hanteer word.

2 Indien Hoofstuk 6 van die A tot Z-Beleid goedgekeur word (sien **VERSLAG OOR DIE UITROL VAN DIE A TOT Z-BELEID EN VOORTGESETTE BEDIENINGSONTWIKKELING**), word die ATPB versoek om 'n opgedateerde inligtingstuk en CD voor te berei vir alle leraars en gemeentes.

3.3 Die Algemene Sinode keur die vervanging van langverlof deur Sabbatstyd goed soos uiteengesit en aanbeveel in **BYLAAG 1.1: SABBATSTYD (5. VOORGESTELDE REGLEMENT VIR SABBATSTYD (WAT LANGVERLOF VERVANG))** – Verwys na Tydelike ATR en Tydelike ADGO.

4 Die Algemene Sinode bevestig die geïntegreerde “Bedieningsvreugde-Model” as uitgangspunt vir 'n holistiese benadering vir predikantebegeleiding in die NG Kerk.

5 Die Algemene Sinode gee opdrag aan die ATPB om, indien dit met die strukturering van die Algemene Sinode se werk as prioriteit bepaal word, moontlikhede te ondersoek vir meganismes om gereelde gesprekke met leraars op verskillende lewensfasies te voer oor die behoud van roeping en toewyding aan die bediening, asook emeritaat.

6 Die Algemene Sinode besluit dat die ATPB dringend uitvoering sal gee aan die opdrag mdo op die koördinerende van alle rolspelers wat by predikante betrokke is en so spoedig moontlik sorg dat die ATPB, ATTO, ATR en VBO-Forum saam vergader.

7 Die Algemene Sinode versoek dat dringend navorsing gedoen word oor die mobiliteit, toekomstige voorsiening en emeritaat van predikante in die NG Kerk en die effek daarvan op die bediening in gemeentes van die kerk.

**PREDIKANTEBEGELEIDING: SABBATSTYD** (vgl Agenda A.8 Bylaag 1 bl 82 pt 3.3 en T.12.2 pt 6.2.1; Notule Dag 2 bl ...)

Die Algemene Sinode keur die vervanging van langverlof deur Sabbatstyd goed soos uiteengesit en aanbeveel in **BYLAAG 1.1: SABBATSTYD (5. VOORGESTELDE REGLEMENT VIR SABBATSTYD (WAT LANGVERLOF VERVANG))**.

Die Algemene Sinode besluit dat die bogenoemde aanbeveling verwys word na die ATR-werkswinkel.

**REËLINGS ALGEMENE SINODE 2011** (vgl Agenda A.1 bl 15 pt 17)

Die Algemene Sinode keur die reëlins van die Agendakommissie/Ontwerpspan goed.

**REGLEMENT VIR DIE TAAKSPAN ARGIEF EN BESTUURSINLIGTINGSDIENSTE** (vgl Agenda A.2 bl 31 pt 4.3; T.12.2 pt 1.1; Notule Dag 5 bl ...)

Die Algemene Sinode verwys die Reglement vir die Algemene Taakspan vir Argief en Inligtingsdienste na die Moderamen en die Algemene Taakspan Regte vir finalisering.

## REGLEMENTE VIR DIE HANTERING VAN ARGIEF- EN MUSEUMMATERIAAL ÉN KERKLIKE REGISTERS

(vgl Agenda A.2 bl 31 pt 4.3; T.12.2 pt 1.1; Notule Dag 5 bl ...)

1 Die Reglemente vir die hantering van Argief- en Museummateriaal, soos in Die Kerkorde (Algemene Sinode, 2007) opgeneem is, word weer in Die Kerkorde opgeneem met die weglating van 6. *Inlewering van Argivale Bronne* in Bylaag 1.

2 6. *Inlewering van Argivale Bronne* en die *Reglement vir die Hantering van Kerklike Registers* word in 'n afsonderlike, uitgebreide "Handleiding vir Kerklike Registers en Rekordbeheer" opgeneem.

3 Die "Handleiding vir Kerklike Registers en Rekordbeheer" word, nadat dit goedgekeur is deur die ASM, aan alle gemeentes, sinodes en Kerkargiewe beskikbaar gestel as beleidsdokument vir die hantering van kerklike registers en die bewaring en vernietiging van argivalia.

4 Die Algemene Sekretaris dra die besluit hierbo aan Sinodes en Sinodale Kerkkantore oor sodat gemeentes ingelig kan word oor die gebruik van Kerklike Registers en die korrekte toepassing van Rekordbeheer.

**REGLEMENTE: HERRANGSKIKKING VAN** (T.12.3 pt 6.1; Notule Dag 5 bl ...)

Die Algemene Sinode neem kennis van die herrangskikking van die Reglemente:

### REGLEMENTE

#### 1 Algemene Reglemente

1.1 Reglement: Moderamen van die Algemene Sinode (ASM)

1.2. Reglemente vir Argief- en Bestuursinligtingsdienste van die NG Kerk

1.3 Reglement vir die vermeerdering, kombinering, eenwording en samesmelting van gemeentes

1.4 Reglement van Orde

1.5 Reglement vir die reëling van eiendomme, goedere en fondse

1.6 Die Nederduitse Gereformeerde Kerk en ander Christelike Kerke en Groepe

#### 2 Reglemente vir Taakspanne

2.1 Reglement vir die Algemene Taakspan vir Argief en Bestuursinligtingsdienste (ATABID)

2.1.1 Reglement vir die hantering van argief- en museummateriaal

2.1.2 Reglement vir die hantering van registers

2.2 Reglement vir die Algemene Taakspan vir Bybelvertaling, -verklaring en -verspreiding (ATBV)

2.3 Reglement vir die Algemene Diensgroep Diens en Getuienis (ADD)

2.4 Reglement vir die Algemene Diensgroep Gemeente-ontwikkeling (ADGO)

2.5 Reglement vir die Algemene Taakspan vir Kerklike Media (ATKM).

2.6 Reglement vir die Algemene Taakspan vir Leer en Aktuele Sake (ATLAS)

2.7 Reglement vir die Algemene Taakspan vir Fondse (ATF)

2.8 Reglement vir die Algemene Taakspan Regte (ATR)

2.9 Reglement vir die Sending/Getuienis van die NG Kerk

2.10 Reglement vir die Vrouelessenaar

#### 3 Reglemente rakende Bedienaars van die Woord

3.1 Reglement vir die Algemene Taakspan vir Teologiese Opleiding (ATTO)

3.2 Reglement vir die Reëling van die Opleiding en Legitimasië van Evangeliedienaars

3.3 Reglement vir die Reëling van die Bevoegdheid van Predikante en Proponente.

3.4 Reglement vir die Algemene Bevoegdheidsraad (ABR)

3.5 Reglement vir Tentmakerbediening

3.6 Reglement vir Termyn bepaalde poste

3.7 Reglement vir die Verlof van Predikante en Sinodale Amptenare

**REGLEMENT VIR DIE MODERAMEN VAN DIE ALGEMENE SINODE** (vgl T.12.4 pt 1.1; Notule Dag 5 bl ...)

Die Algemene Sinode besluit om die vorige Reglement vir die Moderamen van die Algemene Sinode te vervang met die volgende:

#### 1. Naam

Moderamen van die Algemene Sinode (ASM)

#### 2. Samestelling

2.1 Die Moderamen word soos volg saamgestel:

2.1.1 die lede van die Moderatuur wat tydens die Sinode verkies is

2.1.2 een lid met sekundus uit elke Sinode deur die Sinode genomineer en deur die Algemene Sinode verkies

2.1.3 vier addisionele lede met sekundi deur die Algemene Sinode verkies

2.1.4 die Algemene Sekretaris dien met adviserende stem in die ASM

- 2.2 Die Moderamen se samestelling sluit in:  
2.2.1 ten minste drie vroue waarvan ten minste een 'n geëgteerde is; en  
2.2.2 ten minste twee nie-geëgteerde persone.

2.3 Die Moderamen word verkies vir 'n termyn van twee jaar en lede kan slegs twee termyne in dieselfde hoedanigheid dien

2.4 Wanneer 'n vakature tydens die diensternyn ontstaan, vul die Moderamen dit aan uit die lys van verkose sekundi lede

### **3. Opdrag**

3.1 Die Moderamen neem verantwoordelikheid vir die leierskap tussen sinodesittings met betrekking tot:

3.1.1 die identifisering, priorisering en evaluering van werksaamhede

3.1.2 die samestelling van projek-, program- en taakspanne

3.1.3 die monitering van die proses

3.2 Die Moderamen wys vir elke termyn 'n Bestuursplan aan om die werksaamhede van die Algemene Sinode uit te voer. Dit geskied aan die hand van die betrokke reglement

3.3 Die Moderamen stel die senior personeel in diens van die Algemene Sinode aan

3.4 Die Moderamen bestuur die personeel in diens van die Algemene Sinode in samewerking met die ATR en ABR

3.5 Die Moderamen koördineer en integreer die werksaamhede van die Algemene Sinode

3.6 Die Moderamen hanteer spoedeisende sake met verslag aan die Algemene Sinode

3.7 Die Moderamen tree op as die ledevergadering van die Algemene Sinode se media maatskappye

3.8 Die Moderamen werk ten nouste saam met die leierskapstrukture in die sinodes rondom kommunikasie en uitvoering van besluite

3.9 Die Moderamen keur, in opdrag van die Algemene Sinode, reglemente en reglementwysigings vir die werksaamhede van die Algemene Sinode goed.

**SEISOEN VAN LUISTER** (vgl Agenda A.11 Bylaag 7 bl 265 pt 7; Notule Dag 4 bl ...)

**Die Algemene Sinode besluit dat die Seisoen van Luister-bestuur sy werksaamhede voortsit as projek van die Algemene Sinode.**

**SKRIFBESKOUIING** (vg Agenda A.10 Bylaag 3 bl 192 punt 5 bl 192; T.10.1 pt 2.5; Notule Dag 3 bl ...)

**1 Die Algemene Sinode herbevestig die verklaring *Skrifgebruik en Skrifgesag*, soos aanvaar by die Sinode van 2004, as 'n eenvoudige en prinsipiële samevatting van die NG Kerk se Skrifbeskouing.**

**2 Die Algemene Sinode wys daarop dat vir 'n meer volledige uiteensetting van die saak, die verslae soos goedgekeur in 1986, 1990 en 2002 hiermee saam gelees behoort te word.**

**3 Die Algemene Sinode besluit om al die dokumente oor Skrifverstaan in een bundel aan al die sinodes te stuur met die versoek om dit aan leraars en gemeentes in hulle sinodale gebiede deur te stuur en gesprek daaroor te fasiliteer.**

**STRUKTURERING VAN DIE WERKSAMHEDE VAN DIE ALGEMENE SINODE** (vgl Agenda A.11 Bylaag 1 bl 117/8 pt 5.1-5.3; Notule Dag 2 bl ...)

**1 Die Algemene Sinode keur die beginsels vervat in hierdie verslag goed.**

**2 Die Algemene Sinode keur die teologiese vertrekpunte vir kerkverband as beleidstelling goed.**

**3 Die Algemene Sinode keur die voorgestelde wysiging van Artikel 43 (werksaamhede van die Algemene Sinode) met 'n tweederdemeerderheid goed.**

**STRUKTURERING VAN DIE WERKSAMHEDE VAN DIE ALGEMENE SINODE: WYSIGING VAN KO ART 38** (vgl Agenda A.11 Bylaag 1 bl 216 pt 4.4.1.1-4.4.1.4, bl 218 pt 5.4; Notule Dag 3 bl ...)

**4.4.1.1 Die Algemene Sinode word uit 200 afgevaardigdes wat bestaan uit 'n gelyke aantal predikante en ouderlinge/diakens saamgestel.**

**4.4.1.2 Die eerste honderd afgevaardigdes word uit 10 persone per Sinode saamgestel.**

**4.4.1.3 Die oorblywende honderd word proporsioneel volgens die aantal belydende lidmate van die Sinodes saamgestel.**

**4.4.1.4 Die Algemene Sinode vergader weer in 2013.**

**STRUKTURERING VAN DIE WERKSAMHEDE VAN DIE ALGEMENE SINODE: WYSIGING VAN KO ART 38** (vgl Agenda A.11 Bylaag 1 bl 218 pt 5.4-5.6; Notule Dag 3 bl ...)

**5.4 Die Algemene Sinode keur die voorgestelde wysiging van Artikel 38 (samestelling van die Algemene Sinode) met 'n tweederdemeerderheid goed.**

**5.5 Die Algemene Sinode keur goed dat die volgende sitting in 2013 gehou word.**

**5.6 Die Algemene Sinode keur die wyse waarop die Moderamen en die Bestuurspan saamgestel word, goed en gee opdrag aan die Tydelike ATR om die betrokke reglemente dienooreenkomstig aan te pas.**

**STRUKTURERING: WERKING VAN SINODE** (vgl Agenda A.12 bl 285 pt 2.26; Notule Dag 2 bl ...)

Die Algemene Sinode neem kennis dat die ATR die opdrag uitgevoer het en die saak afgehandel het met die hersiening van die *Kerkorde*.

**TELEFOON-/ ELEKTRONIESE VERGADERINGS EN STEMWYSES** (vgl Agenda A.12 bl 286 pt 5.1.8; Notule Dag 5 bl ...)

Die Algemene Sinode keur die volgende advies van die ATR oor telefoonvergaderings en elektroniese stemwyse of -vergaderings goed:

**1** Telefoon- en elektroniese vergaderings vir die taakspanne (sluit diensrade/diensgroepe in) van die Sinode(s) is toelaatbaar vir die hantering van spoedeisende sake onder die volgende voorwaardes:

**1.1** Die vereistes vir die telefoonvergadering is dieselfde as wat geld vir 'n gewone vergadering van die taakspan onder andere ten opsigte van kennisgewing, agenda, kworum en besluitneming.

**1.2** Die notule van so 'n vergadering word by die volgende vergadering van die taakspan voorgelê vir goedkeuring.

**2** Elektroniese stemwyse vir taakspanne van die Sinodes is toelaatbaar onder die volgende voorwaardes:

**2.1** Die Dagbestuur van die taakspan stel 'n verslag op in verband met die saak waarvoor die taakspan besluit(e) wil neem. In die verslag word die sake waarvoor en die manier waarop daar gestem moet word, duidelik aangedui.

**2.2** Die verslag word elektronies aan al die lede van die taakspan versend.

**2.3** Die elektroniese stemming se uitkoms is alleen geldig as die meerderheid van die lede hulle instemming met die voorstel wat voorgelê is vir stemming betuig het.

**2.4** Die notule van so 'n stemming word by die volgende vergadering van die taakspan voorgelê vir goedkeuring.

**TEOLOGIESE OPLEIDING: UITGANGSPUNTE** (vgl Agenda A.8 Bylaag 2 bl 88 pt 1.2)

Die Algemene Sinode keur die volgende stellings goed as uitgangspunte van hoe daar gedink word oor teologiese opleiding en gee dit aan die voorgestelde Algemene Kuratorium en die Kuratoria deur as 'n basis vir hulle werk:

**1** Die NG Kerk staan in 'n tradisie wat deur die eeue deeglike teologiese opleiding as 'n uiters belangrike saak vir die kerk beskou het en baie tyd en bronne daarin geïnvesteer het. Die NG Kerk wil graag hierdie tradisie handhaaf en beskou die verantwoordelikheid vir teologiese opleiding as een van die sentrale take van die Algemene Sinode.

**2** Die teologiese opleiding van die kerk is primêr gefokus op die opleiding en vorming van predikante vir die bediening van die kerk.

**3** Die NG Kerk erken dat benewens hierdie hoofogmerk die teologiese opleiding van die kerk ons ook moet rekening hou met

+ Die opleiding van potensiële teoloë wat die kerk en evangelie dien deur voltyds te doseer en navorsing te doen oor die teologie en bv werk soos Bybelvertaling te kan doen.

+ Die opleiding van ander dienste/ampte soos wat die kerk dit mag nodig ag (bv jeugwerkers, pastorale werkers, evangeliste, ens)

+ Die opleiding en toerusting van lidmate wat geestelike werk in die gemeente of buite die gemeente wil doen in lyn met hulle gawes.

**4** Die teologiese opleidingsinstansies moet ook help skep aan 'n wyer teologiese klimaat en gesprek in die kerk – onder predikante en lidmate. As die NG Kerk sy geloof reg wil leef, sal ons ook daarvoor moet reflekteer en praat. Die kerk self het ook 'n verantwoordelikheid om hierdie gesprek te stimuleer en in stand te hou. Sonder hierdie teologiese klimaat en gesprek in die kerk sal teologiese skole ook moeilik hulle werk behoorlik kan doen.

**5** Die NG Kerk is oortuig dat die teologiese opleidingsinstansies saam met sinodale sisteme en die gemeentes verantwoordelikheid dra vir die leeramp van die kerk – 'n wesenlike element van ons gereformeerde tradisie. Die kerk het 'n mede-verantwoordelikheid om die ruimte te help skep vir opleidingsinstansies om hierdie rol te kan speel.

**6** Die NG Kerk aanvaar dat daar in die opleiding van predikante aandag gegee sal word aan die geïntegreerde vorming van kennis (logos), karakter (etos) en vaardighede en houdings (patos). Nie een van hierdie elemente “gebeur“ vanself nie – dit vra intensionele aandag en tyd. Dit vra dat daar aan ten minste die volgende fasette gereelde aandag gegee moet word: aan die studente

+se geestelike lewens en dissiplines;

+se roepingsbewustheid;

+se psigiese gesondheid en persoonsgroei;

+se Bybelse en teologiese kennis en insig;

+se kontekstuele insig en oordeel;

+se verstaan van die kerk en van die roeping en werking van gemeentes;

+se vorming van spesifieke vaardighede wat vir die bediening nodig is.

7 Die NG Kerk aanvaar dat die kerk in nuwe tye en situasies gekonfronteer word met nuwe uitdagings. Dit mag van ons vra om nuwe antwoorde vir nuwe probleme te soek, om nuwe weë te eksploreer en selfs nuwe bedienings en praktyke te ontwikkel. Daarom wil die NG Kerk die persone betrokke by opleiding aanmoedig om hierdie uitdagings op te neem – met die nodige openheid, kreatiwiteit en verantwoordelikeheidsin.

8 Teologiese opleiding kan nooit konteksloos gedoen word nie. Dat ons nou in Suider-Afrika leef en werk, is deel van die werklikheid van die NG Kerk. Ons glo dat een van die groot uitdagings vir die kerk is om saam met ander gelowiges in ons land te vra wat ons gesamentlike roeping nou in Afrika is.

9 Hoewel die teologiese opleiding van die kerk veel meer vra as net akademiese opleiding, wil die NG Kerk bly streef na akademiese uitnemendheid in ons opleiding. Daarom sou die NG Kerk graag, solank dit moontlik is, die opleiding aan die universiteite in ons land, wat daarvoor voorsiening maak, wil koppel. Op die manier behou die kerke ook hulle presensie by die universiteite en het hulle 'n besondere geleentheid vir publieke getuieis en gesprek.

10 Die NG Kerk is bewus van die feit dat teologiese fakulteite ter wille van dienslewering aan meer denominasies in die land meer ekumenies geraak het in hul aanbod van kursusse. Ons het volle begrip daarvoor en oordeel dat dit ook belangrike voordele vir die kerke inhou. Kontak met studente van ander denominasies kan ons studente voorberei vir 'n bediening waarin daar meer rekening gehou word as in die verlede met die eenheid van die kerk.

11 Terwyl ekumene en die eenheid van die kerk vir die NG Kerk baie belangrik is, glo die NG Kerk dat 'n kreatiewe getrouheid aan ons eie gereformeerde identiteit en tradisie uiters belangrik is en deel is van wat ons in die huis van die ekumene inbring. Ons besef dat die gereformeerde tradisie nie iets staties is nie, maar in nuwe situasies herbedink moet word. Die NG Kerk besef ook dat ons hierdie herformulering nie sal kan doen as ons ons eie tradisie nie teologies en histories baie goed ken nie. Wanneer die teologiese fakulteite in hul formele kursusse nie meer genoegsaam hieraan aandag kan gee nie, moet die kerk self verantwoordelikheid hiervoor aanvaar.

12 Hoewel maksimale residensie vir ons 'n voorkeur sal bly, wil ons dit moontlik maak vir meer tweedeloopbaanstudente om hulle roeping tot die bediening op te neem. Kuratoria word versoek om alternatiewe weë te ondersoek waardeur dit vir tweedeloopbaanstudente moontlik word om 'n groter deel van hul studie deelyds te doen – sonder dat die nodige vormingswerk en praktiese voorbereiding vir die bediening afgeskeep word.

13 Die NG Kerk glo dat teologiese en bedieningsopleiding 'n lewenslange taak en verantwoordelikheid is. Daarom wil die NG Kerk graag 'n tradisie van lewenslange leer by ons predikante vestig. Ons is dankbaar vir die Algemene Sinode se verbintenis aan, en besluite oor, VBO en vra dat sinodes alles in hul vermoë doen om die vestiging van die praktyk goed te vestig.

**TEOLOGIESE OPLEIDING: ALGEMENE KURATORIUM** (vgl Agenda A.8 Bylaag 2 bl 91 pt 2.6; Notule Dag 2 bl ...)

1 Die Algemene Sinode keur goed dat daar 'n Algemene Kuratorium tot stand kom en dat Artikel 5 van die Kerkorde gewysig word soos voorgestel in Bylaag 2.1 (soos geamendeer L Ungerer/DJ Malan).

2 Die Algemene Sinode keur Bylaag 2.2 (soos geamendeer L Ungerer/ DJ Malan) en Bylaag 2.3 goed.

3 Die Algemene Kuratorium word versoek om 'n fyn balans te handhaaf tussen sentralisering van wesenlike sake waarvoor daar eenstemmigheid moet wees en genoeg selfstandigheid aan plaaslike kuratoria om hulle werk te doen.

**TEOLOGIESE OPLEIDING: ALGEMENE KURATORIUM** (vgl T12.2 bl 10 pt 6.3.1; Notule Dag 2 bl ...)

1. Die Algemene Sinode besluit dat die volgende voetnotas by Art 5, soos gewysig, gevoeg word:

Art 5.1.1 vergelyk Regl 12:4.1

Art 5.1.2 vergelyk Regl 12:4.2.

2. Die Algemene Sinode besluit dat die bogenoemde aanbevelings van ATTO ivm die reglemente voorgestel in Bylaag 2.2 op bl 102 en Bylaag 2.3 op bl 104 verwys word na die ATR-werkswinkel.

**TEOLOGIESE OPLEIDING: GEWYSIGDE ART 5 VAN DIE KERKORDE** (Notule Dag 2 bl ...)

By bl 101 by punt 5.1.3 – Skrap alles na “legitimasieverklaring”.

By bl 102 by punt 1.1.2 – Skrap die woorde “op eie koste” (sien ook bl 91 punt 2.6.2).

**TEOLOGIESE OPLEIDING** (vgl Agenda A.3 bl 43 pt 6.6; T.12.2 pt 2.2.1; Notule Dag 2 bl ...)

1 Die Algemene Sinode aanvaar steeds dat die normale opleiding vir teologiese studente ses jaar van suksesvolle studie moet wees.

2 Die Algemene Sinode verleen tot by die volgende Algemene Sinode aan 'n algemene kuratorium die volmag om met groot diskresie alle aansoeke van tweedeloopbaanstudente of persone op meer gevorderde ouderdom te oorweeg en die nodige aanbevelings te maak oor aanvullende studie met die oog op legitimasie.



**TEOLOGIESE OPLEIDING: VBO** (vgl Agenda A.8 Bylaag 2 bl 99 pt 9.6; Notule Dag 2 bl ...)

**Die Algemene Sinode**

1 neem met dank kennis van die goeie vordering wat gemaak is met die implementering van die sinodebesluite van 2007 oor Voortgesette Bedieningsontwikkeling as deel van die beleid vir die bedieningsvreugde van predikante. Beskikbare informasie dui daarop dat tussen 70-80% van die leraars reeds ingeskakel het by die program en dat die kursusse oor die algemeen baie positief beoordeel word.

2 bedank sinodes, gemeentes en die VBO-instansies (Communitas, Excelsus en Shepherd) vir hulle gesindheid en vir die werk wat hulle gedoen het om van die program 'n sukses te maak.

3 bevestig sy verbintenis om die besluite oor Voortgesette Bedieningsontwikkeling verder deur te voer as 'n uitvloeisel van die NG Kerk se beleid vir predikante, die belangrikheid van teologiese opleiding en vorming en twv die professionaliteit van ons beroep.

4 doen 'n ernstige beroep op leraars om in die lig van die verpligte aard van Voortgesette Bedieningsontwikkeling self verantwoordelikheid vir hulle bedieningsvreugde en voortgesette bedieningsontwikkeling te aanvaar.

5 versoek sinodes, verantwoordelike kommissies of taakspanne en die huidige drie instansies vir Voortgesette Bedieningsontwikkeling om ernstig aandag te gee aan die gehalte en toepaslikheid van die kursusse, deeglik kennis te neem van leraars en gemeentes se behoeftes en soepel te wees in hul toepassing en implementering van die program.

6 herbevestig dat hierdie program afhanklik is van die verhoudings binne, onderlinge sorg en toesig van ringe. Die Algemene Sinode versoek sinodes om in oorleg met die ringe soepel te wees in hul toepassing en implementering van die program terwyl daar met erns gewerk word aan die noodsaak van hierdie bedieningsontwikkeling vir die behoud van bedieningsbevoegdheid.

7 doen 'n beroep op die sinodes, ringe en gemeentes om indien enigsins moontlik medeverantwoordelikheid vir die voortgesette bedieningsontwikkeling van predikante wat aan die program deelneem, te aanvaar.

**TEOLOGIESE OPLEIDING: ALTERNATIEWE BANE VAN OPLEIDING** (vgl Agenda A.12 bl 282 pt 2.13.1; Notule Dag 5 bl ...)

**Die Algemene Sinode** neem kennis dat die ATR geen aanbeveling kan maak oor alternatiewe bane van opleiding nie.

**TUG EN DISSIPLINE** (vgl Agenda A.12 bl 274 pt 2.7.3)

**Die Algemene Sinode**

1 keur die voorgestelde wysigings aan *Artikel 58 tot Artikel 66* (Hoofstuk 5 van die Kerkorde) met 'n tweederdemeerderheid goed.

2 keur die bykomende voorstel by *Artikel 63* met 'n tweederdemeerderheid goed.

3 keur die bykomende voorstel by *Artikel 66* met 'n tweederdemeerderheid goed.

**TUG: KERKLIKE** (vgl Agenda A.12 bl 283 pt 2.17.1; Notule Dag 5 bl ...)

Die vergadering neem kennis dat die ATR uitvoering aan hierdie opdrag gegee het in sy aanbevelings soos vervat in A.12 punt 2.7 hierbo.

**VERENIGDE DIENSGROEP DIENS EN GETUIENIS** (vgl Agenda A.12 bl 284 pt 2.22: Notule Dag 4 bl ...)

Die Algemene Sinode neem kennis van die adviese van die ATR aan die ASM, asook dat die saak afgehandel is by die hersiening van die *Kerkorde*.

**VERENIGDE DIENSGROEP DIENS EN GETUIENIS** (vgl Agenda A.5 bl 57 pt 15.1; Notule Dag 4 bl ...)

Die Algemene Sinode besluit dat, in die lig van die voorgestelde strukturering van die Algemene Sinodale werksaamhede, die ooreenkoms met die ander kerke rakende 'n Verenigde Diensgroep vir Diens en Getuienis in stand gehou word en dat verteenwoordigers van die NG Kerk om in die VDDG te dien, aangewys word.

**VERSOENING: BEHOEFTE AAN** (vgl Notule Dag 4 bl ...)

**Die Algemene Sinode**

1. spreek sy diepe kommer uit oor die groot mate van onversoendheid wat daar nog in die Suid-Afrikaanse samelewing heers

2. roep al die verbande van die kerk op om die "bediening van versoening" onvermoeid en met groot erns te beoefen.

**VONKK: WERKWYSE** (vgl Agenda A.8 Bylaag 7 bl 124 pt 2.4; Notule Dag 2 bl ...)

Die Algemene Sinode ondersteun die werkswyse van VONKK en moedig gemeentes aan om gebruik te maak van hierdie teologies- en musikaal-gekeurde nuwe klassieke liedere.

**VONKK EN FLAM: CCLI** (vgl Agenda A.8 Bylaag 7 bl 125 pt 4.2; Notule Dag 2 bl ...)

Die Algemene Sinode versoek gemeentes om vir die gebruik van **VONKK- en FLAM-liedere** by CCLI te registreer en ook erns te maak met die noukeurige rapportering aan CCLI van die **VONKK- en FLAM-liedere** wat gebruik word.

**VONKK CD en DVD** (vgl Agenda A.8 Bylaag 7 bl 125 pt 5.2; Notule Dag 2 bl ...)

Die Algemene Sinode moedig gemeentes en lidmate aan om die nuwe **VONKK CD en DVD** aan te koop en ook lidmate aan te moedig om dit te koop

**VONKK: SAMEWERKING MET DIE NHKA** (vgl Agenda A.8 Bylaag 7 bl 125 pt 6.2; Notule Dag 2 bl ..)

Die Algemene Sinode ondersteun die samewerking wat tussen die **NHKA en VONKK** ontwikkel het en versoek **VONKK** om voort te bou aan hierdie samewerking.

**VONKK EN TAIZÉ** (vgl Agenda A.8 Bylaag 7 bl 125 pt 7.3; Notule Dag 2 bl ...)

Die Algemene Sinode ondersteun die samewerking wat tussen **VONKK** en die **Taizé-gemeenskap** ontwikkel het, asook internasionale skakeling en leiding op die verskillende vlakke en versoek **VONKK** om daarop voort te bou.

**VONKK: LIEDERE VIR** (vgl Agenda A.8 Bylaag 7 bl 126 pt 8.2; Notule Dag 2 bl ...)

Die Algemene Sinode versoek lidmate, gemeentes, musici en liedskrywers om liedere wat aan die nodige kriteria voldoen aan **VONKK** te stuur sodat dit vir gebruik aan die breë kerk beskikbaar gestel kan word.

**VONKK EN OOSTELIKE SINODE SE LIEDSKRYFKOMPETISIE** (vgl Agenda A.8 Bylaag 7 bl 126 pt 9.2; Notule Dag 2 bl ...)

Die Algemene Sinode ondersteun die liedskryfkompetisie wat deur die Oostelike Sinode en **VONKK** gereël word en moedig liedskrywers aan om daaraan deel te neem.

**VONKK: WERKSAAMHEDE VAN** (vgl Agenda A.8 Bylaag 7 bl 126 pt 10.2; Notule Dag 2 bl ...)

Die Algemene Sinode keur dit goed dat die werksaamhede van **VONKK** as 'n prioriteit in die kerk voortgesit moet word.

**VROUE IN DIE KERK** (vgl Agenda A.8 Bylaag 4 bl 117 pt 7; Notule Dag 2 bl ...)

1 Die Algemene Sinode keur die beleid ten opsigte van vroue in die kerk (pt 6.1-6.4) goed.

2 Die Algemene Sinode word versoek om die Vrouelessenaar se werksaamhede as prioriteit te aanvaar.

3 Die Algemene Sinode keur die funksionering van die Vrouelessenaar soos voorgestel in pt 5, goed.

4 Indien die Vrouelessenaar as 'n prioriteit aanvaar word, word die volgende projekte aan die Vrouelessenaar opgedra:

4.1 Skakel ekumenies met die vroueiers van ander kerke in koördinering met die ekumeniese skakeling van die NG Kerk.

4.2 Reël ten minste een ekumeniese geleentheid met die NG kerkfamilie sowel as die Gereformeerde (reformatoriese) kerke in Suid Afrika se vroue.

4.3 Koördineer die netwerk van kundiges uit die sinodes met betrekking tot vrouebediening soos uiteengesit in die funksionering van die Vrouelessenaar.

4.4 Dra by tot die emosionele versorging van predikantsgesinne en emeriti en hul vroue of weduwees.

**ZIMBABWE** (vgl A.11 bl 207 pt 5.1; Notule Dag 5 bl ....)

The General Synod of the Dutch Reformed Church feels constrained:

1. To bring to the attention of the government of South Africa the plight of the remaining commercial farmers in Zimbabwe and the farm workers and their households who are dependent on them, who continue to live under the threat of displacement;

2. To point out to the South African government that the reason for the farm invasions is not the need for land reform, but racism and greed, since the majority of the less than 200 remaining farmers are white Zimbabweans, and around 4500 commercial farmers have already been forced off their farms;

3. To request the South African government to:

a) Appeal to the Zimbabwean government to see that any remaining illegal farm invasions be stopped immediately, and

b) To the Southern African Development and Economic Commission (SADEC) to do everything in their power to see that the implications of the SADEC Tribunal ruling of 2010 is taken forward, to ensure that legal issues regarding land ownership be addressed, and that the rebuilding of the farming sector and food security can be ensured for the well-being of all the people of Zimbabwe.